

Peo Ya Noha

 . . . Modimo, Modimo o moholo le o matla, Ya hlodileng dintho tsohle ka boholo ba Moya wa Hae; le ho tlisa Jesu Kreste, Mora wa Hae ya tswetsweng a inotshi, Ya shwetseng rona baetsadibe ntle le tefello, ya Lokileng bakeng sa ba sa lokang, ho re boelanya hape kopanong ena e babatsehang eo re nang le yona le Modimo hape. Jwaloka ha re rutwa Lentsweng le hlonolofetseng, hore re bile le kopano le Yena pele ho thewa lefatshe. "Ha dinaledi tsa meso di ne di bina ha mmoho, le bara ba Modimo ba hlahisa mohoo wa thabo, morao kwana pele ho thewa lefatshe." Re tseba jwang hore e ne e se nakong eo ha Konyana e ne e hlajwa; nakong eo Modimo, mohopolong wa Hae o moholo, a neng a re bona re howa le ho nyakalla pholohong ya rona ka Jesu!

² Mme, bosiusing bona, re latswa feela tatso ya Kgalalelo eo e kgolo e kganyang e tla senolwa ho Tleng ha Hae la bobedi. Malwetse wohle le maswabi a tla fediswa. Mme re tla ba le mmele o kang mmele wa Hae ka Sebele o kganyang, hoba re tla Mmona kamoo A leng kateng. Mona re sa sheba matsoho a rona a sosobana, meriri ya rona e pudufalang, le mahetla a kobama, re a hlokomela hore re batho ba buswang ke lefu le hore re habile leroleng ho tswa moo hlooho tsa rona di inametseng teng jwale, le moo re tswang teng. Empa, Morena Modimo, hantle feela jwaloka ha O le Modimo, O entse tshepiso hore re tla tsoswa hape matsatsing a qetelo, mme re a e dumela.

³ Ka hlomoho re ema ka tumelo ya rona bosiusing bona Boteng ba Hao, ho tla ka sebete hobane Jesu o re laetse ho etsa hona. E se hodima ntho efe kapa efe eo re e entseng, hoba ha re na letho le lokileng; empa re tla ka boikokobetso, boipolelong ba hore re ruile letlotlo lena ka baka la mohau wa Hae o abetsweng rona. Ka baka leo, re tla re kopa hore O tle o re hlohonolofatse bosiusing bona ho tlisweng ha Lentswe. Hoba ho ngodilwe, ho re, "Motho a ke ke a phela ke bohobe feela, empa ka Lentswe le leng le le leng le tswang molomong wa Modimo." Mme a molomo wa Modimo o bolelwe bosiusing bona. A mantswe a tswe, mme A kenelle botebong ba dipelo tsa rona, bamamedi, le ho tlatswa ka Moya wa Hao le Boteng ba Hao. Hoba re ho kopa Lebitsong la Jesu. Amen.

⁴ Ka—kajeno le maobane, bosiusing ba maobane, ke rialo, le kajeno, re buile ka temana, pele, ho e hlaba dihlollo, *Hobaneng Re Se Phutheho E Hlophilweng*. Mme re hlile ra e thatafatsa haholo, hobaneng re se phutheho e hlophilweng, le hore hobaneng re sa dumele diphusuthehong tse hlophilweng. Hobane, re fumana ka Bibeleng, hore phutheho tse hlophilweng ha di a

ka tsa rerwa ke Modimo; di rerilwe ke diabolosi; mme ra paka taba eo ka Bibele. Le ka moo, ka phutheho tse hlophilweng, ho hlahileng phoso. Jwale re bolela taba ena ho lokisa le ho tlisa tabernakele ena kopanong ho potoloha Lentswe la Modimo le hlohonolofetseng. Hore, ditshepo tsa rona ha di a hahuwa hodima se bolelwang ke phutheho e hlophilweng, kapa seo monna ofe kapa ofe a se bolelang; e hahilwe hodima seo Morena Modimo a se boletseng. Mme ke yona feela tsela eo re ka lokang hantle.

⁵ Mme hoseng hona, ke bile le dintlha, ke a kgolwa, tse hlano tse fapaneng tse tlileng ka phutheho e hlophilweng, tseo ho sa buuwang ka tsona ruri ka Bibeleng, tseo dikereke tsa Protestanta di di obamelang, le ho ruta thuto; yona ntho e tshwanang le eo mme wa kgale wa seotswa, kereke ya Katolike e se rerang, le ho kena ka kerekeng ya Protestanta. Mme re kgumamela yona ntho e leng kgahlano le sebaka sefe kapa sefe ka Lentsweng la Modimo.

⁶ Kereke ya pele e hlophilweng, re e shebile thapameng ena nalaneng ya baholoholo ba Nicene, ba kereke ya Nicene. Ka mora lefu la baapostola, teng moo ho hlahileng bontate ba Nicene, ba tswela pele ka dilemo tse mmalwa. Dilemo tse makgolo a mararo le mashome a mabedi a metso e mehlano, qetellong ha fihwa ho—ho Nicaea, Fora, moo ba bileng le—le lekgotla le leholo la Nicene. Mme ka mono ba rala ditshomo tsena tseo kereke ya Katholike e di tshwereng jwale, mme hape tse neeeditsweng Maprotestanta.

⁷ Mme jwaloka ha ke boletse moo—moo thutong hoseng hona, o mong le o mong wa mengwaha eo ya diphutheho ho ya jwalo ho fihlela moo—ho mongwaha wa kereke ya Thessalonika, dilemo tse sekete le makgolo a mahlano tsa mengwaha e lefifi, ha ho moo A sa kang A re, “Le sa bolokile Lebitso la Ka.”

⁸ Mme ka lehlakoreng lena le leng, ba sa hlole ba le ka ho Kreste hape, ba tswa ka lebitso la phutheho e hlophilweng, “Katholike, Luthere, Wesele, Baptise, Presbeteriene, Pentekosta,” ho theosa jwalo.

⁹ Empa feela ho ella mafelong a mongwaha, A re, “Ke bea pela hao monyako o butsweng.” Le a bona? Mme oo ke mongwaha oo re dumela re ho ona hantle jwale, mongwaha wa monyako o butsweng, pakeng tsa ho tloha ha qetelo ha kereke ya Laodisea.

¹⁰ Mme ke dilemo tse makgolo a margro le mashome a mabedi a metso e mehlano ho ya fihla lekgotleng la Laodisea. Mme ka mono ba amohela dibopeho tsena jwaloka hofafatsa, ho tshollela, le dikolobetso tsa bohata, moyo o halalelang wa bohata, dintho tsena tse ding tsohle. Ba di amohela.

¹¹ Mme yare ha Luthere, kaha e ne e le moprista, le ho tswa kerekeng ya Katholike, dintho tsena tsa tliswa le yona. Mme mono ha tswa Zwingli, ho Zwingli ha tswa Calvin, ho Calvin ha tswa Wesele, oh, ho ya tlase jwalo. Mme ba dula ba ntse ba ntsheletsa ditshomo tseo jwalo. Mme Modimo a ka tsamaisa Kereke ya Hae jwang, haele moo ba latetse ditsela tseo A sa ba hlahisetsang tsona ho tswamaiswa ho tsona?

¹² Mme hopolang, ho Tshenolo 17, re fumane “mosadi.” Jwale mantswe ana a bataletse. A ngotswe Bibeleng, ka hona ke dumela hore nka a bolela. E boletse hore mosadi enwa e ne e le “seotswa.” Ho bolelang e ne e le mosadi ya setumo se sebe; hore o ne a loketse a ba na nyetswe ke monna, homme a etsa bohlola bo bongata le lefatshe. Mme a na le... E ne e le “MMA DIOTSWA,” ha ho le jwalo a na le baradi. Mme re takile hono, ho latela thutafatshe, ho beng mono... Mme mono, nna, ka ho bona taba eo ka Lengolong, ho bona dithuto le ntho e nngwe le e nngwe, ke dumela ha Morena a e adile hantle motjheng, hore e ke se be letho ntle le kereke ya Katholike. Ke yona feela tsela eo e ka bang ka yona. Mme a tswalwa eng? Dikereke tsa Protestanta. Ruri, o entse hono.

¹³ Mme letsohong la hae a tshwere senwelo sa veine ya bootswa ba hae bo bongata, mme a se nwesa marena a lefatshe. Mme e le mmusi wa lefatshe lohle, ha ho buuwa semoyeng. Mme ke hantle ruri. Ha ho e mong...

¹⁴ Bonang, a re, re ka kgutlela morao ho Daniele le ho nka setshwantsho seo. Bonang setshwantsho: hlooho ya gauta, mmuso wa Babilona; borase... kapa silifera, Bamede-le-Bapersia; borase, Aleksandere e Moholo, le jwalojwalo, mmuso wa Bagerike; e ntano ba mebuso ya Roma, Roma ya Botjhabela le ya Bophirimela, maoto a mabedi.

¹⁵ Mme elellwang mebusong ena e leshome, e tlang ka manaka ana a leshome hantle ao re buileng ka ona hoseng hona, ho o mong le o mong wa mebuso eo e leshome e neng e tla hlah, ho e na le tshepe le letsopa tse tswakilweng mmoho. Mme tshepe eo e tswa meomong, eo e neng e le Roma. Mme ho na le motaka wa Boroma o tswakilweng le setjhaba se seng le se seng se leng teng tlasa Lehodimo, ka kereke ya Katholike. Ke hantle haholo. Mme di ne di ke ke tsa kopana, kae kapa kae.

¹⁶ Mme ba ne ba tla nyallana, mahareng a bona. Bibele e boletse hore ba tla etsa taba ena. Homme ba shebeng kajeno lena. Ha moshanyana wa hao a tsamaya le ngwanana wa Mokatholike; mme ho nyalaneng ha bona, ba loketse ho tshepisa hore ba tla hodisa bana ba bona e le Makatholike; le a bona, ka ho fapanyetsana. Le a bona, ke ho roba matla a e mong.

¹⁷ Empa ke eng? Bibebe e bolela ha ntho yohle e le seotswa. Jwale le tla etsang? Ho lokile. Le kamoo dibe tsa batho di tlang ho etelwa... Re kgutletse morao ho Deutronoma, ho bontsha hore ngwana ya seng molaong, ngwana bonyatsi, o ne a ke ke a kena esita le phuthehong ya Morena ka meloko e leshome le metso e mene. Moo e ne e le tlasa molao. Mme Kreste o tlide ho matlafatsa molao. Ke hakakang ho leng jwalo jwale?

¹⁸ Mme ho etsahalang ka bana, molato ke eng ka dirabu-rabu tsena tse seterateng kajeno, basajana bana ba hopang disakrete, ba tenang marikgwe a makgutshwane, dirabu-rabu tse pommeng moriri, le ntho tse jwalo? Molato ke eng ka yona? Ke kahobane bomma bona ba ne ba itshwere jwalo. Ho etelwa, bokgopo, ho tloha molokong o mong ho isa ho o mong. Ke seo e leng sona. Mme re na le eng? Re fihletse sebaka, ke modubadube wa sebe se nyonyehang feela.

¹⁹ Ke ka baka leo Modimo a emisitseng Rashia, mono, ka setuhaki sa athomo ho mo fiela tu, jwaloka ho bile mehleng ya morwallo, ha A ne a hlahisa maru. Ehlide, O etse taba eo. Mme Bibebe e rialo. Rashia, naha e kgahlano le bomodimo kamoo ba leng kateng, ya bohetene, amaruri e kgonne e bapalla hantle matsohong a Modimo o Matlaohle. Jwalo feela kaha Morena Nebukadnesare a ne a tla fedisa Iseraele hoba ba hholehile ho tsamaya le Modimo, Rashia e ema ho “lefeletsa bahalaledi,” ba kereke ya Katholike, madi ao e a tsholotseng a bahalaledi. Bibebe e itsalo. E tla hohola ntho eo yohle.

²⁰ Ka hona bonang mona, ha mma bona e ne e le ngwanana mmino, le nkgon'a bona, mme mmae e ne e le seraburabu, mosadi eo ke eng kajeno? Setantshi se hlobolang sa rokon-rolo. Bana ba hae etlaba eng?

Mme o re, “Na Modimo o sebetsa jwalo?” E, monghadi.

²¹ Modimo o etela bokgopo ba bana, moloko, esita le ho isa melokong e leshome le metso e mene. Mme haeba Kreste a tlela ho e matlafatsa, re ka re, “Meloko e lekgolo, kapa meloko e makgolo a mahlano.” Kgele, O boletse, “Bao ba mehleng ya boholo, le utlwile ha ba re, bao ba mehleng ya kgale, ‘O se ke wa bolaya.’ Nna ke re ho lona, ya halefelang ngwanabo, ho se lebaka, o se a bolaile. Le utlwile ha ho thwe, bao ba mehleng ya kgale, ‘O se ke wa feba.’ Empa ke itse, ya tadinang mosadi ho mo lakatsa, o se a febile.” O entse taba eo... Ho matlafatla ke ho etsang? Ho e hodisa ka makgetlo a mangata. Mme haeba tlasa molao e ne e le meloko e leshome le metso e mene, ho tla e nka nako e kae kajeno?

²² Mme bahlankana, le banna ba dilemo tse bohareng, le banna ba nyetseng ha ba sa na hlonepho dikanong tsa bona tsa lenyalo. Kgele, ba nka basadi feela mme ba phele le bona hoohle, le hona jwaloka dintja tse tlase feela. Ntja e na le

hlompho e ka hodimo le boitshwaro bo fetang boo batho ba bang ba nang le bona. Mme ke a tseba ke polelo boima haholo, empa ho jwalo.

²³ Hobaneng? Mme dikereke di tswela pele hantle ntle le ho bua letho ka yona. Hobaneng? Ba etsisa mma bona hantle. Dikereke di e ruile jwaleka lefa. Hoba, kereke homme kereke ena ya Protestanta e tswa kerekeng ya Katholike, dibe tsa kereke ya Katholike di etela Maprotestanta. Ruri, ho jwalo, ka baka leo pitsa e ke ke ya re ketlele e “ditshila”. Ke nnete ruri.

²⁴ Jwale re fumana hore, le ka Lengolong, re fumana hore... Mme ha ke a bona sekgetjhana hodima tafole bosiung bona. Ke ile ka re, mpontsheng sebaka se le seng moo Modimo a tlotsitseng phutheho e hlophilweng. Mpontsheng sebaka se le seng moo Modimo a tlotsitseng moreri wa mosadi. Mpontsheng sebaka se le seng moo Modimo tlotsitseng hofafatsa. Mpontsheng sebaka se le seng moo Modimo a tlotsitseng ho horometsa. Mpontsheng sebaka se le seng moo Modimo a bileng le motho ya kolobetswang ka lebitso la “Ntate, Mora, Moya o Halalelang.” Fumanang dintho tseo. Mme leha ho le jwalo ha re phetse ho di etsa. Taba eo e kahara kereke hantle feela. Jwale, ka re, “Mokgwa’ lona...”

²⁵ Lebaka leo re sa kang ra ba Baptise ka lona, ka baka la ho dumela ha rona ho kolobetswa ka Lebitso la Morena Jesu Kreste. Ha ho motho, ka Bibeleng le ka mohla, ya kolobeditsweng ka tsela efe e sele. Mpontsheng sebaka se le seng moo motho a le mong a kileng a kolobetswa ka lebitso la “Ntate, Mora, Moya o Halalelang,” ke tla phahamisa matsoho a ka hore ke ne ke le moporofeta wa bohata.

²⁶ Mme ha Bibele e re o tshwanetse ho “kolobetswa ka lebitso la Jesu Kreste,” hoo ho bolela hore o tshwanetse ho sebetsa taba eo ka tsela eo. Paulose o ile a ba laela ho kolobetswa hape. Ho sa tsottelehe mokgwa oo ba neng ba kolobeditswe kateng, ba ne ba loketse ho tla, tla kolobetswa hape. Ba ne ba kolobeditswe ke yena monna ya kolobeditseng Jesu Kreste; Johanne Mokolobetsi. O ile a re, “Taba eo eo e ke ke ya hlola e sebetsa hape. Le loketse ho tla, tla kolobetswa hape.” Mme ba ne ba loketse ho etsa taba eo pele ba amohela Moya o Halalelang. E ne e leano la Modimo.

²⁷ Nka nna ka teba ho feta mono, bosiung bona. Hobaneng? Jesu o boloka Lentswe la Hae. Na le dumela taba eo? Jwale, bongata ba lona bohole bo batla bo ne bo le mona hoseng hona, empa ke batla ho tlatseletsa tabeng eo haholwanyane.

²⁸ Hobaneng Paulose a ne a ka laela, ho laela taba eo ka mora hoba ho etswe? Paulose o boletse, “Leha ho ka tla Lengeloi le tswang Lehodimong mme le bolela ho hong ho sele, le neelwe anathema.”

²⁹ Jwale o re, “Ke na le Lesedi le letjha.” Tjhe, ha o na. Ke yona taba eo diabolosi a tlileng ho Eva ka yona, Lesedi la ho reng le letjha. Ha ho hlokehe Lesedi la letho le letjha. O loketse ho tsamaya Leseding leo Modimo a seng a le beile mono, ke phetho.

³⁰ Jwale hlokamelang taba ena, kamoo ho leng bonolo. Ha ba ne ba theoha Thabeng ya Phetholelo, Jesu o ile a re, ho barutuwa ba Hae, “Batho ba re Nna Mora motho ke mang?”

“E mong o itse O ‘Moshe, kapa Elia, e mong wa baporofeta.”

A re, “Lona le reng?”

³¹ A re, Petrose a re, “O Kreste, Mora Modimo o phelang.”

³² A re, “O lehlohonolo wena, Simone, mora Jona se; hoba nama le madi ha di a o senolela hona.” Le a bona, ha e tle ka diseminare. Ha e tle ka phutheho e hlophilweng. “Nama le madi ha di a o senolela hona. Ha o a ithuta hona ka sekolo sa thutabomodimo. Empa Ntate wa Ka, ya Lehodimong, o senoletse yona. Mme hodima lejwe lena Ke tla haha Kereke ya Ka; mme dikgoro tsa dihele di ke ke tsa e sisinya,” tshenolo ya semoya ya hore Yena ke Mang.

³³ Hlokamelang, “Mme Ke re ho wena o Petrose. Mme Ke tla o fa dinotollo tsa Mmuso. Mme seo o tla se tlama lefatsheng, Ke tla se tlama Lehodimong; seo o se lokollang lefatsheng, Ke tla se lokolla Lehodimong.” Jwale, O ne a loketse ho boloka Lentswe la Hae ho seng jwalo E ne e se Modimo. Jwale, ha A ne a etsa hono, matsatsi a mmalwa ka morao moo; O ile thakgiswa, ho tsoha, ho nyolohela Lehodimong, mme Petrose a bula Evangedi ka Tsatsi la Pentekosta. Na o entse taba eo? Yena, ruri, o e entse. Jwale hlokamelang, ha a ne a etla . . .

³⁴ Keha ba soma ka hoohle, hoba ba ne ba tlatsitswe bohole ka Moya. Ba bitswa, “maahlama, bathethehi,” kapa lebitso la mofuta o itseng jwalo. Mme esitile ba tshehile, mme ba re, “Batho bana ba kgotshe veine e matla.”

³⁵ Mme Petrose a ema hara bona, a phahamisa lentswe la hae, mme a re, “Banna ba heso le lona baena, utlwang lentswe la ka. Utlwang mantswe a ka le mmameleng. Batho bana ha ba tahwa jwalokaha le lekanya ka bona; etswe ena esale hora ya boraro ya letsatsi. Empa ena ke taba e boletseng ke moporofeta Joele, ‘Matsatsing a qetelo, Ke tla tsholella Moya wa Ka,’ le seo A neng a tla se etsa hodima bara ba Hae, le baradi ba Hae, le makgabunyane a Hae, le dintho tse jwalo, tsatsing leo.”

³⁶ Mme eitse ha ba utlwa hona, ba hlajwa pelong tsa bona. Hoba, ba utlwile monna ya neng a sa tsebe di-ABC tsa hae, leha ho le jwalo ba loketse ho mo lemoha, tsebong ya hore o ne a ena le ho Hong ka ho yena, ho mo tjhesang, Moya o Halalelang. O ka mo thibela? Kgele, eka ho leka ho tima mollo,

mohahong o ommeng, ka tsatsi leo moya o fuputlang. O ne o ke ke wa ho etsa. O ne a tlatsitswe ka Moya o Halalelang. Mme o ile a etsang jwale?

³⁷ Ba re, “E, banna baheso le banabeso, re tla etsa jwang ho bolokeha?”

³⁸ Jwale o hlokomele Petrose, o tshwere dinotlolo tsa Mmuso. O a bona?

³⁹ Jwale, ha Jesu a ne a tsoha ka tsatsi la boraro, O ne a sa tshwara dinotlolo tsa Mmuso wa Lehodimo. Na le tsebile taba eo? O boletse, “Ke tshwere dinotlolo tsa lefu le dihele,” empa e seng tsa Mmuso, hoba di ne di neilwe Petrose.

⁴⁰ Jwale O boletse, “Petrose, seo o se lokollang lefatsheng, Ke tla se lokolla Lehodimong. Seo o se tlamang lefatsheng, ke tla se tlama Lehodimong.”

⁴¹ Jwale ke enwa moo a emeng ka dinotlolo, ho manolla ntho ena e tlotlehang ho lefatshe. Mme ke enwa o tshwere dinotlolo ka letsohong la hae. Mme ba botsa, “Re tla etsa jwang ho bolokeha?” Jwale, ho sa natse seo moapostola a boletseng hore se etswe, Modimo o loketse ho se hlompha Lehodimong, haeba A mo file matla ao.

⁴² Jwale Petrose a re, “Bakang, e mong le e mong wa lona, mme le kolobetswe ka Lebitso la Jesu Kreste bakeng sa tshwarelo ya dibe tsa lona, mme le tla amohera neo ya Moya o Halalelang.” Na ke nnete? Mme ke ka hoo dinotlolo di ileng tsa sotheha Lehodimong lebitsong lefe kapa lefe, mokgweng ofe kapa ofe, nthong efe—sebopehong sefe kapa sefe. Sa sotheha lefatsheng, mme sa sotheha Lehodimong, ho seng jwalo Jesu ha a boloka Lentswe la Hae ho Petrose. Mme sebakeng se seng le se seng ka Bibeleng ba kolobeditswa, ka mora moo, ba ile ba kolobetswa ka Lebitso Jesu Kreste. Mme bao ba kolobeditsweng pele ho moo, ba ne ba loketse ho kolobetswa hape, ka Lebitso la Jesu Kreste, ho fumana Moya o Halalelang. Ke nnete. Taba eo e sa tsamaya ka tsela eo.

⁴³ Ka baka leo, haeba re ruta kolobetso ka lebitso la “Ntate, Mora, le Moya o Halalelang,” ke baporofeta ba bohata. Jwale ha ke batle ho le thonkga, empa ke loketse ho e otrella kereke ena e tle tsebe ke eng. Ha re mona jwaloka udu-udu e sa rutehang e kopaneng hloho; re tseba moo re emeng Lentsweng la Modimo. Le a bona, re a tseba. Ke phephetsa motho ofe kapa ofe ho mpontsha sebaka se le seng moo motho a kileng a kolobetswa ka lebitso la “Ntate, Mora, Moya o Halalelang.” Jwale le tla mamela boporofeta ba bohata kapa Nnete? Batlisisang Mangolo. Ho ho lona.

⁴⁴ Mpontsheng moo motho a le mong ka Bibeleng, moo kereke e kileng ya kgethwa e le phutheho e hlophilweng ka—ka Bibeleng. Mpontsheng ka Bibeleng moo ba kileng ba tlotsa

moreri wa mosadi. Mpontsheng ka Bibeleng moo dintho tsena tsohle, tseo re nnileng ra bua ka tsona, di kileng tsa tlotswa ka Bibeleng. Ha di yo mono. Mpolelleng sebaka se le seng. O ntano ya phuthehong e hlophilweng... .

⁴⁵ Tjhe, ha Mamethodise a ne a hlahla, ba ne ba rera kgalaletso. Ke hantle. Empa, ha ba ne ba etsa hono, ba bopa phutheho e hlophilweng, mme hoo ha qeta dintho tsohle. Ke ka baka leo Bibeleng e itseng, “O na le lebitso.”

O ka re, “Ke Mokreste.”

“Be, o setho sa phutheho efe?”

⁴⁶ O ka re, “Mamethodise,” kgele, o seotswa he. “Ke Mobaptise,” seotswa. “Pentekosta,” o seotswa. O setho sa kereke eo.

⁴⁷ O loketse ho ba wa Kreste. Ha ho lebaka la hore ho thwe, “Methodise,” “Baptise.” Ha o le Mokreste, o Mokreste ka pelong.

⁴⁸ Phutheho e nngwe le e nngwe ya tseo tse hlophilweng e ka hlahisa bana, bana ba Modimo, ke hantle. Empa ha o nahana hore o ya Lehodimong hobane feela o le Momethodise kapa Baptise, o fositse. Mme ke ka baka leo re ileng ra dula ka ntle ho ntho eo.

Hobaneng Mamethodise a sa bone taba eo?

⁴⁹ Ka na ka botsa monna wa Momethodise mona, a ntsa ngola peelo, a ngola feela nakong e seng kaalo ya ho feta. O ile a re, “Taba eo re nang le yona feela kgahlano le wena, o dika-dika hara Mapentekosta.”

Ka re, “‘Rona’ eo ke mang?”

“Rona, Mamethodise.”

⁵⁰ Ka re, “Tjhe, ke tla o bolella seo ke tla se etsa. Ke tla tla motseng lona mme le re Mamethodise a e tshehetse ka ditjhelete.”

“Oh,” ha thwe, “ehlile, re ne re ke ke ra etsa taba eo.”

⁵¹ Ka re, “Ke–ke seo ke neng ke se nahanne. Ke dula le Mapentekosta hoba Mapentekosta ba e dumela. Ke hantle. Ba o bokanelo. Ke bona ba folang molemo ho ona.”

⁵² Ke ba bakae ba badileng seratswana seo ho makasine wa *Life*, nakwaneng ya ho feta, kaha kereke ya Pentekosta? Ke o mong wa mehlolo e meholohadi wa mongwaha ona. Ba fumana meya e mengata e sokolohang selemong se le seng ho feta dikereke tsohle di kopantswe hammoho. Hobaneng? Esita le diphosong tsa bona, Modimo o a ba tsamaisa, hoba ba dumetse Nnete mme ba hwanta le Yona. Ke Nnete.

⁵³ Empa re etsang jwale? Le a bona? Ke ka baka leo re seng phutheho e hlophilweng. Mme ruri jwaloka ha Pentekosta e hlophisa... .

⁵⁴ Mme morao kwana, ha Moya o Halalelang o ne o tsholellwa hodima kereke ya Pentekosta, dilemong tse mashome a mane tse fetileng, mme ba qalella ho bua ka dipuo, e nngwe ya dineo. Ke e nyenyane ka ho fetisa ho dineo. Ke e nyenyane ka ho fetisisa dineong, ho latela Mohalaledi Paulose, ke ho bua ka dipuo. Mme hang feela ha o ne o tsholoha, “Oh”, ba re, “re O fumane jwale,” mme ba bopa phutheho e hlophilweng, Lekgotla la Kakaretso [“General Council”—Mofit.], leo jwale e leng Asembolise ya Modimo. “Oh, ha ho motho ya nang le Wona ha a sa bue ka dipuo,” mme Modimo wa tloha ho bona hantle ho tswela pele, le ho e tlohellia e dutse mono. Ruri. E, monghadi.

⁵⁵ Yaba ho tla ba thuto ya Bonngwe, mme ba fumana kolobetso e Lebitsong la Jesu. Ba re, “Oh, re na le Wona,” ba itlhophisa. Ba ile ba etsang? Modimo wa tswa hantle le ho ba siya ba dutse mono.

Ke bakeng sa, “E mong le e mong ya batlang, a tle.”

⁵⁶ Le a bona, ba Bonngwe ha ba kgone ho ya ho Maasembolise. Maasembolise ha a kgone ho ya ho ba Bonngwe. Ke qoqile le ba bang ba banna ba kgabane bao ba nang le bona, Mong. Goss, le Ngaka Pope, le ba bangata. Banna bao e leng banna ba baholo ka... Ka dula le bona fatshe. Ka re, “Ho tla jwang ha le ruta pontsho ya mantlha, empa o le moithutu?”

⁵⁷ “Be,” ha thwe, “Moena Branham,” a le mong, ba babedi kapa ba bararo ba bona, ba ne ba tshephala haholo, ha thwe, “re a tseba taba eo e phoso, empa re ka etsang? Ha re ka bua ho hong ka hona, kgele, e tla sitisa lenaneo lohle.” Ehlile, mme o ke ke wa hlola o eba mobishopo, mookamedi wa kakaretso. Ke wona mohopolo oo.

⁵⁸ Moena, nka mpa ka ba le mishone o monyenyanne khoneng, kapa ka rera tlasa sefate sa paene, le ho tshwara Nnete, amaruri, le ho tseba hore o bua Nnete. Motho o batla Nnete. Mme o tlamehile, jwaloka Mokreste, ho pakela bopaki ba Nnete. Modimo o tla o jarisa boikarabelo ka yona.

⁵⁹ Mme jwale, dinthong tsena, ha o eso kolobetswe ka Lebitso la Jesu Kreste, mme o eso etse dintho tsena, mme o eso amohele Moya o Halalelang...

⁶⁰ O ka re, “Oh, ke buile ka dipuo.” Hoo ha ho bolele hore o na le Moya o Halalelang.

⁶¹ Ke bone baloi, baupelli, matemona, le ntho e nngwe le e nngwe e sele, e bua ka dipuo. Ruri. Ha ba na Moya o Halalelang, mme le tseba taba eo. Ho nwa madi lehateng la motho, le ho hobela, le ho bitsa diabolosi, le ho bua ka dipuo. Ruri. Ha ba na Moya o Halalelang.

⁶² Ka baka leo, ka hobane o buile ka dipuo, hoo ha ho bolele hore o na le Wona. Tsela e le nngwe feela o tsebang o na le

Wona, ha moyo wa hao o pakelang le Moya wa Hae, mme ditholwana tsa Moya di o latela: lerato, tumelo, thabo, kgotso, mamello, ho loka, bonolo, mosa. Ke hona ha o tseba hore o na le Moya o Halalelang. O ipakela ka bo-Wona.

⁶³ Jwale, ha o leka ho dula hodima, hobane o le setho sa Asembolise, kapa ho Mabaptise, kapa ho Presbeteriene, o bona seo o se etsang? O nka lebitso la seotswa. Ke hantle haholo. Tswa nthong eo. Tsamaela hole le yona. Ha ke re o tswe kerekeng ya hao kapa ntho efe feela; etsa ntho eo o e batlang ka taba eo. Empa sutha ho itshetleha ka, “Oh, ke Mopresbeteriene. Ha re dumele matsatsing a mehlolo.” Hobaneng le sa e dumele? Bibebe e a e ruta. “Oh, ke setho sa kereke ya Kreste. Ba re matsatsi a mehlolo a fetile.” Ke baporofeta ba bohata bao.

⁶⁴ Nka o bontsha moo Jesu Kreste a fileng Kereke Matla, ho fodisa ba kulang, le ho tsosa bafu, le ho leleka matemona. Ke phepettsa motho ofe feela ho mpontsha Lengolo ka Bibeleng moo a amohileng Kereke. A tlotsitswe ke eng? Ditshomo tsa lona ka sebele, ke hantle, e seng Lentswe la Modimo. Moya o Halalelang o sa phetha mosebetsi, ho tswella hantle ka mokgwa o tshwanang, mme O tla nna etsa taba eo kahosafeleng.

⁶⁵ Ke ka baka leo re seng phutheho e hlophilweng, “Ba tla ba le sebopheho sa borapedi, mme ba latole Matla a jona; ba jwalo o ba furalle.” Ha re dumele dintho tse jwalo.

⁶⁶ Jwale, e qadile jwang le ka mohla? Re tla lokela ho potlaka mme re e fihlele kapele kamoo ho ka etsahalang jwale, kamoo e qadileng le ka mohla. Jwale re na le Mangolo mangata a ngotsweng mona mabapi le Moya o Halalelang.

⁶⁷ Ntho e nngwe, re ntshitse phepetso bosius ba maobane, hodima, “tiisetso ya bahalaledi,” e seng kamoo Mabaptise a e dumelang. Tjhe, monghadi. Ruri ke fapani le Baptise le mohopo ba bona, wa kgopolu ya bona ya boCalvinise. Ruri ha ke dumellane le Mapresbeteriene. Ha ke dumellane le Mamethodise hodima mokgwa wa bona wa thuto ya Arminiane. E, monghadi. Empa bobedi ba bona bo tshwere nnate, empa o loketse ho e kgutlisetsa morao *Mona* moo e leng Nnete. Ha o matha ntle mane, o matha o lokotseha ka yona. Ruri.

⁶⁸ Mabaptise a kena, a kolobetsa ba mmalwa hodimo mona, ka ho qwediswa; mme moreri a ba kolobetse, ba robong ho ba leshome ba tsuba disakrete, ba tswe mme ba eme ntle mono, le ho bapala dikarete, le bankho bosiu bohole, ho hlwahlwaela, le diketso tse bonokwane tsa kgwebo; mme basadi bohole ntle mona ba tenne marikgwae a makgutshwane, ba matha hohle diterateng, mme ba kuta moriri wa bona, le—le ho tsuba le ho gefetha, le meketjana-ya-ho-tshwarisa-le-moroko, le ho etsa metlae e ditshila. Mme ntho eo o e bitsa Bokreste? Mme o

nahana hore o na le tshireletso esaFeleng? O tla ya Diheleng ho le jwalo. O ke ke wa thabela Lehodimo mokgweng ofe kapa ofe. Lekgale ruri. Hoo ha se tshireletso esaFeleng.

Empa motho ha a tswetswe la bobedi ke Moya o Halalelang...

⁶⁹ Mme lona Pentekosta, ka hobane le qhometse-hodimo-le-tlase, le ho bua ka dipuo, ho mathela-hodimo-le-tlase pakeng tsa ditulo, hoo ha ho bolele le na le tshireletso esaFeleng. Le se ke la kenya taba eo hlohung tsa lona. Tjhe, monghadi. Lekgale ruri ha e sebetse jwalo. Hobane, o a tseba hore ka sebele—bophelo ba hao ka sebele bo a o paka, bopaki, hore ha o a loka ho Modimo. Ke hantle. Ha o a loka. Ha e-so be tshireletso esaFeleng, le jwale.

⁷⁰ Empa ke batla ho o botsa taba e itseng. Na ho na le Tshireletso e sa Feleng? Bibele e rialo. Bibele e boletse hore mabitso a rona a beilwe Bukeng ya Bophelo ya Konyana le pele lefatshe le qala.

⁷¹ Jwaloka ha ke boletse hoseng hona, ke sa e phetha hape. Motho ya ngotseng thoko eo, “Ho na le lebitso le letjha Kganyeng bosiung bona, mme ke la ka,” mohopolwa hae o ne o itoketse, empa o ne a fositse, ho latela Lengolo. Lebitso la hao ha le a ngolwa bosiung boo o neng o bolokeha.

⁷² Lebitso la hao, ho latela Bibele, ho latela Tshenolo 13, 17, le jwalo-jwalo, “le ngotswe mono le pele lefatshe le qala; mme Jesu Kreste o hlabilwe pele ho thewa lefatshe.”

⁷³ Modimo o ne a ka kgona jwang, e leng Ya hlokang phello; Modimo o hlokang phello, ka ho tsebe pheletso esale qalong, O ne a ka dumella sebe jwang ho tla lefatsheng, ha e ne e se ka morero?

⁷⁴ Ho tshehetsha jwale feela dintho tse itseng tseo re di boletseng. Ho ttileng pele e ne e le hofe, Mopholosi kapa moetsadibe? [Motho phuthehong o re, “Mopholosi.”—Mong.] Mopholosi, ehlide. Ke hofe ho fetisang ka matla, Mopholosi kapa moetsadibe? Efela ha Mopholosi a kgona ho tlosa sebe, O fetisa ka matla. Tjhe e, hobaneng A dumuletse sebe ho hlaha tabeng ya pele? Ho bontsha hore E ne e le Mopholosi. Ho fetisang ka matla ke hofe, mofodisi kapa bolwetse? [“Mofodisi.”] Mofodisi. Jwale he hobaneng A dumuletse bolwetse ho tla? Ho bontsha hore E ne e le mofodisi. Ke ikutlwka ke tletse borapedi hantle jwale. E, monghadi. Oh, kgele! Ke ditholwana tsa Hae tseo.

⁷⁵ Ke ka baka leo A dumellang bothata ho hlaha. Ke ka baka leo A dumellang maswabi a hlahe, ho bontsha hore Yena ke thabo. Ehlide, ho jwalo. Ke ka baka leo re nang le bosiu, ho paka hore letsheare le teng. Ke ka baka leo re nang le mabifi, ho bontsha hore ho na le kgotso. Ehlide, ke mahlopha-a-senya. Kgele, O a babatseha.

⁷⁶ Jwale taba ee e qadile jwang? Re tla e toba hantle, ka pele kamoo re ka kgonang, re tle re se le tshwarelle bosiu bohle. Jwale, ho loketse ho be le qalo ya dintho tsohle.

⁷⁷ Mme ke batla ho le botsa taba e nngwe. Jwale taba ena e ka nna ya... O e kenyé mokotlaneng wa hao o ka morao. Ha o a lokela ho kenya hona sejaneng se tlwaelehileng. Empa mamelang taba ena.

⁷⁸ Ha o le sebopuwa sa Bosafeleng, jwale etlaba ha o a ba le qalo, kapa ho ba le pheletso le ka mohla. Hoba, *Bosafeleng* bo hlaha lentsweng “ho se nang qalo kapa ho se nang pheletso.”

⁷⁹ Ha le e hopole na? Ke itse, hoseng hona, kaha kamoo Melkisedeke, ha a kopana le Abrahama a tswa ripitla marena. Mme Bibebe e boletse, ho Baheberu 7, hore—hore, “Levi o ntshitse karolo ya leshome ho Melkisedeke, a sa le lethekeng la ntatae Abrahama.” Abrahama a tswala Isaka; Isaka a tswala Jakobo; Jakobo a tswala Levi. E ne e le ntatae, ntatemoholo, ntata-ntatemoholo. Mme Levi a sa le thekeng la ntata-ntataemoholo, Bibebe e mo bala a ntshedite Melkisedeke karolo ya leshome. O bua ka Bosafeleng! Kgeli, kgidi! Ha ho a thwe, “O entse taba eo jwaloka seriti; ho jwalokaha a e ntse.” Bibebe e itse, “O ntshitse karolo ya leshome.” Amen.

⁸⁰ Jwale he, ha re tswa peong e lokileng, ha Paulose a ne a bolela Evangedi ke ne ke le teng mme le wena o ne o le teng. Re tla kena tabeng eo, motsotsong feela, ho fihla tsebeng tsa rona kwana. Hlokomelang, ke taba e bolelwang ke Lengolo, ho rona, ekasita le ho kgutlela morao.

⁸¹ Nahanang feela! Levi; e ntano ba Jakobo, ntatae; e ntano ba Isaka, ntatae; e ntano ba Abrahama, ntatae; ntata-ntataemoholo. Levi a sa le thekeng la ntata-ntataemoholo, o ntshedite Melikisedeke karolo ya leshome.

⁸² Ke batla ho le botsa. Ke mang enwa, Jobo 27... masho’tharo-robedi ha A ne a re, “O ne o le kae ha ke thea metheo ya lefatshe? Ha dinaledi tsa meso di bina mmoho, le bara ba Modimo ba ntsha mehoo ya thabo?” Bara bao ba Modimo ba neng ba ntsha mehoo ya thabo e ne e le bo mang? Jesu o itse, ho bona, “Ke bile le thabo le lona pele ho thewa lefatshe.” Ha re dibopuwa tsa nako. Re dibopuwa tsa Bosafeleng.

⁸³ “Ha ho motho ya ka tlang ho Nna, ha a sa hulwe ke Ntate wa Ka. Mme bohle ba tlang ho Nna, Ke tla ba fa Bophelo bo sa Feleng, le ho mo tsosa matsatsing a qetelo. Ha ho ya ka ba utlang diatleng tsa Ntate wa Ka, Ya Nneang bona.” O ka lahleha jwang?

⁸⁴ O a bona, o tshohile. O a tshaba. O tla matha hohle mona. Mme eo ke e nngwe ya dipontsho tse kgolo, lefatsheng, hore ha o eso be sebakeng sefe kapa sefe. Ke hantle. Modimo a ka o pholosa jwang le ka mohla haeba A...

⁸⁵ Ke ba bakae ka kerekeng ena ba ka phahamisang matsoho a bona, le dumela hore Modimo o hloka phello? Le tseba seo lenseswe *hloka-phello* le se bolelang? Ke ho phethahetseng feela. Ho hloka phello, o ke ke—o ke ke wa hhalosa lenseswe *hloka-phello*.

⁸⁶ Na o kile wa nka khamera mme wa e tjhehella ho hlokeng phello? Kgele, ho bolela ho tloha ka morao ho mona. Ke hantle. Ha ho tsela ya ho e tjheha hape.

⁸⁷ Tjhe e, ke seo Modimo a leng sona. O hloka phello. Mme ha A hloka phello, ho ne ho se podi-ya-barwa, ho se ntsintsi, ho se letsetse, ho se nta, ho se kokwanyana, kapa le letho le kileng la ba teng lefatsheng, kapa le tla ba teng le ka mohla, haese seo Modimo a se tsebileng le pele lefatshe le bopjwa. Ke eo kutlwisiso e seng kae ya ho hloka-phello.

⁸⁸ Tjhe e, jwale he, Modimo O hlokang-phello o o pholosang mona, tsebong ya hore O tla lahlehelwa ke wena veke e tlang, kapa kgwedi e tlang, kapa isao, kgele, O senya wona morero oo. A ke ke a lahlehelwa ke wena. “Ya utlwang Mantswe a Ka, mme a dumela ho Ya Nthomileng, o na le Bophelo bo sa Feleng mme a ke ke a tla Kahlolong, empa o se a tlohile lefung ho ya Bophelong.” Ho ke ke ha etswa. Jwalo feela ka ho ke ke . . .

⁸⁹ “Ya tswetsweng ke Modimo ha a etse sebe; hoba peo ya Modimo e dutse ho yena, mme a ke ke a etsa sebe.” Aka etsa sebe jwang ho na le sehlabelo sa sebe bakeng sa hae?

⁹⁰ Nka kula jwang hodima ke le bophelong bo atlehileng? Nka ba sefofu jwang ha ke ntse kgona ho bona? Oho, kgidi! Nka ba ka mohahong le ka ntle ho mohaho ka nako e le nngwe? Nka tahwa jwang ka ba ka hlaphohelwa ka nako e le nngwe? O ke ke wa etsa taba eo.

⁹¹ Mme ha o pholositswe, o tlasa Pheko, mme ha o ballwe dibe tsa hao. Na Davida ha a bolela, “Ho lehlohonolo motho eo Modimo a sa mmaleng sebe, le ho mo hopolela sebe”? Modimo ha a boloke sebe kgahlano le mmopo wa Hae. Ke taba a thata. Ha se lebese la motsarane. Empa hoo ke Bibele. Modimo a ke ke a balla ya lokileng sebe.

⁹² “Modimo,” ka mohau wa Hae, ka boitherelopele, “ha a batle hore motho a ka timela, empa hore bohole ba finyelle pakong.” Empa ka ho hloka-phello, le ka tsebo ya hore ke mang ya neng a tla tla le ya neng a ke ke a tla, O ne a ka rera esale pele ntho e nngwe le e nngwe ho sebetsa thato ya Hae. Haeba A sa etsa taba eo, hobaneng A dumelsetse sebe tabeng ya pele? Ha E ne e le Mopholosi . . . Ha ho ne ho sa ka ha ba le moetsadibe, A ka be a sa fetoha Mopholosi; bokgethehi, bo neng bo le ka ho Yena, bo ne bo ke ke ba nnshwuwa.

⁹³ Ho tlide jwang hore A fetoha mofodisi? Ho tlide jwang hore A fetoha mofodisi? Kahobane A dumelsetse bolwetse ho hlaho,

hore A tle a Ipontshe jwaloka mofodisi. E ne e le mofodisi. O ne o ka kgona jwang le ka mohla... O na ka tsebahala jwang? Bokgethehi ba Hae bo ne bo ka sebetsa jwang? E ne ekaba mofodisi jwang, ha ho ne ho se bolwetse? O ne a loketse ho dumella bolwetse.

⁹⁴ Ha ho makatse, ha Paulose a boletse, ho Baroma 8. “Sethoto tote, ke mang ya ka bolellang e—e mmopi hore a etse eng ka lona; ke mang, na letsopa le ka ema mme la re, ‘Hobaneng, wena, o nkentse tjee?’ Na ha A ka a hlahietsa Faro morero oo, hore A tle a bontshe kganya ya Hae tlase Egepeta? O thatafatsa eo A mmatlang, le ho lokafatsa eo A mmatlang. Ha se ya batlang, leha e le ya mathang, empa ke Modimo ya bontshang mohau.”

⁹⁵ Ka baka leo, ha ho taba eo o e entseng ka hona. Ha o na le ntho e le nngwe eo o e etsang. Haeba e le mohau, haeba e le neo e fanweng feela, ha ho le ntho ya letho eo o ka e etsang ka yona. Modimo oo abela yona, mme eo ke thato ya Modimo. Ke ntho eo Modimo a o reretseng yona.

⁹⁶ Bibebe e boletse hore re “reretswe ho bewa bara, bara ba Modimo, pele ho thewa lefatshe.” Mme jwale, ha Modimo a ne a hlaba Konyana, mohopolong wa Hae ka Sebele, pele ho motheo wa lefatshe, ho paka bokgetheho ba Hae, seo A neng a le sona; ha Konyana e ne e hlajwa, re hlabilwe le Yona. Ha Madi a Konyana a ne a tshwarwa ka kelellong ya Hae ka Sebele, morao mono pele lefatshe le thewa, la ka le mabitso a lona a ile a ngolwa Bukeng he, tsohle monahanong wa Hae o moholo.

⁹⁷ O hloka-phello. Haeba ho ne ho se jwalo ka Yena, hobaneng A e dumelsetse? Ke hofe ho fetisang ka matla, ke boletse jwalo, Mopholosi kapa moetsadibe? Ke hofe ho ruileng matla a fetisang? Jwale he, ho matla ho ne ho loketse ho dumella ho ka tlasana, mme O etsa taba eo bakeng sa kganya ya Hae. Ha A ne a bopa Lusifere, O tsebile etlaba diabolosi. O ne a loketse ho e dumella e be teng ho bontsha hore E ne e le Mopholosi, Kreste. O ne a loketse ho e dumella e etsahale ka mokgwa oo.

⁹⁸ Jwale, na Bibebe ha e bolele, hore, “Dintho tsohle di sebetsa molemo ho ba ratang Modimo”? [Phutheho e re, “Amen”.— Mong.] Ka baka leo le tshoswa ke eng?

A re emeng mme re sebetseng,
Ka sebete bakeng sa kgang ka nngwe.
Se keng kgomo tse dimumu tse qhobjwang,
 tse lokelang ho qekwa le ho hatellwa!
Le be bahale!

⁹⁹ Ke rata hono. Emang! Thokonyana e neng e ye e nthuse haholo ha ke sa le mmotlana, e batla e tsamaya tjena.

Ho ne ho e na le Moroma ya kgabane,
 Meh leng ya borena ba Roma;
 Ya utlwileng lekwala le honotha,
 Ka pela ntlo ya borena le re:
 “Kgele, polokeho e teng sefateng se tjena sa
 feie,
 Ha ho ya ka se sisinyang.”
 “Kgele, lekgale,” ho rialo mohale,
 “Ke tla fumana tsela kapa ke e etse.”

¹⁰⁰ Ke moo he. Ke hantle. Ha Bibebe ena e ruta hore Jesu Kreste ke yena maobane, kajeno, le ka hosafeleng... Ho ne ho se bonolo ha ke ne ke tswela ka ntle ho tabernakele ena tsatsing leo, mme motho ka mong a mpolella *hona* ho tla etsahala, le *hwane* ho tla etsahala. “O tla nkuwa o le lehlanya, ho kenngwa tjhananeng, mme mokgatlo wohle wa bongaka o tla ema kgahlano le wena.” Empa Modimo o itse o etse taba eo. Bibebe e boletse hore e ne e le Yena. Mme jwale mollo wa tsoseletso o tuka setjhabeng ka seng tlasa Lehodimo. Hobaneng? Ema le yona!

O tobana jwang le mosebetsi wa hao wa letsatsi?
 Na o tshaba na le mosebetsi o fumanang?
 Na o ka emelana le mosebetsi o tlang?
 Na o na le kelelo e tepeletseng e fofotho? (Ha ke batle ntho eo.)
 Kapa na o tobana hantle le mosebetsi o tlang,
 Kapa na tshabo e ferella ho yona kamehla?
 Ha ho le jwalo, tobana le o latelang oo o fumanang,
 Ka tshepo ya hore o tla o kgona.

¹⁰¹ Dula le yona. Amaruri. Rera pelong ya hao, jwaloka Daniele. Dula le Modimo.

¹⁰² “Tsena tsohle di etsahetse hokae? Di etsahetse jwang? Ho etsang batho tjee ke eng? Hobaneng re le mothating wa ho timeletswa? Moena Branham, ntlhalosetse. Ho etsang o nahane hore ntho ena e loketse ho fielwa ke eng?” E kile ya fielwa tsatsing le leng, (na ke hantle?) tshenyehong ya morwallo. Jwale ho latela dintho tse tebileng mona. Mme re tla itokisetsa ho bala.

¹⁰³ Jwale ke batla le phetle le nna jwale, kwana Bukeng ya Genese, kgaolong ya 3. Ha o batla ho tseba ntho efe kapa efe, nka o bontsha Bukeng ena ya Genese moo seng ka seng, le mokga ka mong, le ntho ka nngwe eo re nang le yona ho fihla hantle tsatsing lena, e qala ho Genese. Ke ba bakae ba tsebang Genese e bolela “tshimoloho”? Ruri.

¹⁰⁴ Re fumana kereke ya Katholike tshimolohong, Babilona, Nimrode mothei; re e fumana mahareng a Bibebe, re e fumana

qetellong ya Bibebe; re fumana, ho leka ho kenya bareri ba basadi, tshimolohong ya Bibebe, ka ho kgumamela diseto tse entsweng ka methapo. Ke ba bakae ba kileng ba bala *Babilona Tse Pedi*, ya Hislop, histori? Ke hantle. Fumanang, nalaneng tsena. Ba ne ba fumane mosadi... Mme hape le a hopola, esita le Jakobo o na utswe medimo ya ntatae, mme moradi wa hae a e pata ka tlasa hae mme a tswela nahathote le yona, ho silafaditseng diahelo, hamorao. Ke hantle.

¹⁰⁵ A re baleng mona ho Genese jwale.

Noha e ne e feta ka bohlale diphoofolo tsohle tsa naha tseo JEHOVA Modimo a di entseng. Mme ya re ho mosadi, A efela, Modimo o itse, Le se ke la ja difate tsohle tsa tshimo na?

Mosadi a re ho noha, Re ka ja ditholwana tsa difate tse tshimong:

Empa ha e le ditholwana tsa sefate... hara tshimo, Modimo o itse, Lese ke la di ja, mme le se ke la di ama, hore le tle le se ke la shwa.

Noha ya fetola mosadi ya re, Haele ho shwa le ke ke la shwa:

Modimo o a tseba hobane mohla le di jang, mahlo a lona a tla tutuboloha, (le a bona, ho tsoma Lesedi le letjha), mme le tla ba jwaloka medimo, le tsebe botle le bobe.

¹⁰⁶ Le bona kamoo mathaka aa a leng kateng kajeno, ho lekeng ho fokotsa Bibebe? "Kgele, na ha ho bonolo feela ho horometsa, kapa hofafatsa, kapa ka tsela *ena*, kapa ka tsela *yane*?" Tjhe, monghadi. Modimo o radile moralo, mme ke sona seo re loketseng ho se latela, *Hona*. [Moena Branham o supa Bibebe ya hae—Mong.]

Mosadi eitse ha a bona hobane sefate se monate ho jewa, mme se kgahlisa leihlo, mme se lakatseha ho etsa... ho hlalefisa, a nka ditholwana tsa sona, a di ja, mme a nea monna wa hae ya neng a na le yena; mme le yena a ja.

Yaba mahlo a bao ba babedi a tutuboloha, ba tseba... ba feela; mme ba rohakanya mahlaku a sefate sa feiye, bao ba iketsetsa meitlamo ka wona.

¹⁰⁷ Ke rata ho emisa mona motsotso. Jwale, ho loketse ho ba le qalo ya ntho e nngwe le e nngwe. Wena o bile le qalo. Jwale re... Moo ke batlang ho ho tshetleha taba ena yohle ke mona, jwale, re buileng ka yona dikopanong tsena tsa ho qetela tse pedi, le ho fihla mona.

¹⁰⁸ Jwale, hoseng hona re ile ra kgutlela morao ho tshwantshisa, ka Bibeleng, hore nakong eo Modimo a neng a bopa lefatshe, hore nakong eo ha A ne a etsa digase; homme

digase tseo tsa fetoha khalesiam, le phothashe, le—le dintho tse fapaneng. O ne a bopa mmele wa hao. O ne a rala mohaho, jwalo seah se hlwahlw, jwalo rakonteraka ya beang disebediswa tsa hae ho haha morero wa matlo. O ne a bopa mmele wa hao, mme A o beile mono. O tsebile hantle feela, ka mohopolong wa Hae, se neng se tla etswa.

¹⁰⁹ Letsoho lena, Modimo o entse letsoho leo pele A...ha A ne a etsa lefatshe; empa, moya waka O entse pele lefatshe le ba teng. Jwale, empa letsoho lena le mmele wona, O di entse ha A ne a etsa lefatshe, hoba mmele wona o tswile lefatsheng, me o kgutlela hape lefatsheng. Modimo o entse taba eo. O e adile moralong wa Hae o moholo le leanong la Hae.

¹¹⁰ Jwale, ha A ne a etsa lefatshe, O entse motho, mme motho a sa shebahale hantle. Jwale re amme taba eo, hoseng hona, ho feta terameng eo, kamoo e—e Ntate a ileng a theoha le ho bona mora wa Hae, ya entsweng setshwantshong sa Hae, le jwalo-jwalo. Yaba O mmopela mosadi, molekane.

¹¹¹ Jwale, hopolang, hore, dibopuwa tsohle tsa lefatshe, Adama o na di reile mabitso.

¹¹² A se a bopile e—e makgomo, le dibatana, le ntho e nngwe le e nngwe. Mme kajeno re... Babaladitshiu le—le dikelello tse kgolo tsa thutamahlale, ba lekile, ba lekile ka dilemo tse dikete tse tsheletseng, ho fumana lehokelo le lahlehileng, kgele phoofolo eo... Motho ke bophelo ba phoofolo. Re tseba taba eo, hore re entswe...

¹¹³ Mme mosadi ke karolo ya monna, lehopo. Mosadi o ne a le siyo popong ya pele. Modimo o na sa qetile ho bopa, ka dilemo le dilemo le dilemo, ho fihlela A bopa mosadi ka kgopo ya lehlakore la hae. Adama o ne a sa a qetile ho rea mmopo wohle mabitso, ntho e nngwe le e nngwe ese, empa a se na letho bakeng sa hae ka boyena. Ka baka leo, A mo etsesa molekane; ho ntsha lehopo lehlakoreng la hae, ho kwala lepatso, le ho mo etsesa molekane. Mme monna, moyeng wa hae, e le monna le mosadi mmoho.

¹¹⁴ Mme mosadi ke karolo ya monna feela. Mme ha monna a inkela mosadi, mme haeba e le mosadi wa hae ka nepo, mosadi ya abilweng ke Modimo, o tla ba ho yena jwalo ka karolo ya hae feela.

¹¹⁵ Ke ka baka leo le nang le dikgohlano tse ngata hakana lenyalong, ke kahobane o ye o tswele ntle mme o bone ngwanana wa horeng ka mahlo a matle a masoothwana kapa mahlo a boputswa ba lehodimo, kapa ntho e kang eo, le seemo se itseng se setle sa mmele, mme o kgahlwe ke yena. Kgetlo la pele ha a fumana lesea la hae la pele, meno ao a tswa, mme a sosobane le ho tsafala, mme jwale o batla ho mo rahela ka ntle. Mme mosadi wa horeng a fumane moshanyana ka moriri wa hae o bolepo o manameng, mme kotikoti ya mafura a kolobe ya

mmae e batla e kodumeditswa ho wona, o le mangetse. Mme o we kaofela; ke tseba taba eo ka boiphihlelo. Empa ho etsahalang? Ke eng? O ye o kgahlwe ke hono.

¹¹⁶ O loketse ho rapela, pele, hoba mosadi ke karolo ya hao. Mme ha o kile wa kopela mosadi sefubeng sa hao, wa mo nka hore ebe mosadi wa hao, mme ebe o... O tlapitsa kgatiso ho wena. Re tla e bolela tjena le tle le utlwisise. Mme mosadi e mong o sele sefubeng seo a ke ke a tshwanela tlapiso ya kgatiso eo. Mme Modimo o tla o jarisa boikarabelo ba yona. Mme o hopole taba eo feela.

¹¹⁷ Wena ya nkang mosadi wa motho e mong o mo ise ntle mme... Ke utlwetse kajeno ka ngwananyana mona motseng, nthwana batho. Ke a mo tseba. Mme lekemolara le itseng le mo rekela diaparo tse ntle, le dintho, le ho leka ho bapalla ho yena jwalo. Kgoto, e ka etsang ntho e jwalo, e ke ke ya nnkuwa e le motho.

¹¹⁸ Le a tseba, ntja ha e tlase-tlase hakaalo, homme le bitsa ntja ya motswetse “sethole.” E na le maitshwaro a fetang ao halofo ya basadi ba Jeffersonville ba nang le wona. Mme le bitsa kolobe ya motswetse “kolobehadi,” mme ha e... E itshwere ho feta basadi ba Dinaha tse Kopaneng tsena, bongata ba bona. Ke hantle haholo. Jwale, jwale ke a tseba taba eo e bataletse. Mme ke le boleletse hore ke tla e kgokgothella teng, mme ke batla hore le e tsebe. Mme hoo ke nnete. Bao bohle, basadi ba mehleng ya jwale, ha ho tsejwe le hore boitshwaro ke eng. O ka re, “Taba eo ha e thonkge letswalo la ka.” Be, ha o na lona. Hlokomela. E, monghadi. Ha o e na le lona, o tseba ntho e lokileng le e phoso.

¹¹⁹ Hlokamelang jwale. Monna enwa, ha a ne a bopjwa, Modimo wa arola moywa hae. Mme A nka sepha sa monna, lehlakore la hae, le ho bopa mosadi ka sona. A nka botshehadi, moywa o hlabosehang wa monna, mme a bopa mosadi ka ona. Mme a bopa monna, botona, dikgoka.

¹²⁰ Mme ha le bona e—e—e monna eo e monyenyanne e kang... le a tseba, ka pilo, kapa e leng hore le ho bitsang, manala a hae; mme, le a tseba, a mane ka letsohong le leng le a mahlano ka ho le leng, le—le ho lepelletsa moriri wa hae; le ho bula molomo wa hae ka pele, le dintho tse kang tseo; e mong wa bashanyana bana ba batle. O mpe o hopole, kgaitse, ho na le ho phoso ka mokola oo. Ho na le ho phoso. O mpe o mmee leihlo.

¹²¹ Mme ha le bona mosadi ka sakrete lehlakoreng la molomo, ka para ya difarolo, mme a re, “Ke tla o bolella, wa thaka, ke eng!” Moena, o bee mothepa oo wa kgale leihlo. Ho na le ho phoso ka yena.

¹²² Mosadi, o loketse ebe mosadi, mme o loketse ho apara jwaloa mosadi. Ha Modimo a ne a bopa monna, O mo entse ntho e itseng; mme O entse mosadi ntho e itseng. Mme ha

Modimo a apesa monna, O mo apesa ka mokgwa o mong, le mosadi ntho e nngwe. Mme Bibele e boletse, “Ke manyala ha mosadi a apara seaparo se kang sa monna.”¹²³

¹²³ Mme lona basadi, le aparang marikgwana ana a kgale le dintho, le ho di apara ntle mono, dinthwana tsa kgale... Kana le di bitsang, marikgwae a mangole? Kana ba a bitsang?...?... Tjhe, tjhe, ha se marikgwae a makgutshwane. Ke ntho eo, e nang le maoto a malelele ho yona. [“Ditlapisa maoto.”] Ditlapisa maoto, le diofarolo, le didangare.

Ha o kena, ho thwe, “Hona ho etseditswe mafumahadi.”

¹²⁴ Ka re, “Tjhe, le etsa phoso. Mafumahadi ha a apare dintho tseo. Basadi, eya empa e seng mafumahadi.” Ke hantle.

¹²⁵ Bibele e boletse, “Ke manyala ha mosadi a apara seaparo; leha monna a apara seaparo se kang sa mosadi.”

¹²⁶ Mme banna ba eketsa ho sadifala, letsatsi le letsatsi, mme basadi ba eketsa ho ba le dikgoka tsa bona. Molato ke eng? Re tla fumana metsotsong e mmalwa, ka Bibele. Basadi ha ba hhole e le basadi hape. Ha ke bolela lona basadi ba Bakreste. Ke bolela tsamaiso e akaretsang. Ba batla ho itshwara jwaloka ka bona; ba batla ho kuta moriri wa bona jwaloka monna; ho bea letsoho tlung ya thitelo, ka mokgwa oo, mme ho binwe Modimo Hlonolofatsa Amerika, ka sakreste khoneng ya molomo wa bona.

¹²⁷ Ho theosa le seterata, le ho tjhetjha ka mokgwa ona, homme hantle hara mmila. Re ne re bale...Ke batla ho le bolella taba e nngwe. Mme lona bakganni ba basadi, mamelang. Nna, le Billy Paul, letsholong lena la ho qetela ho haoleng le setjhaha, dikgwedi tse tsheletseng, ke ile ka rekota dikgohlano tsa tseleng. Mme ho tswa dikotsing tse makgolo a mararo, tseleng, le ka nahana ba ba kae ba bona e ne e le bakganni ba basadi? Ho ne ho haella feela...Leshome le metso e robong la bona e le banna. Mme makgolo a mabedi le mashome a robedi kapa, ke a kgolwa e ne e le ona, makgolo a mabedi le masome a robedi le motso o mong ha ho le jwalo ekaba bakganni ba basadi. Bakganni ba basadi! Jwale, ha ke re ha ho na bakganni ba hlwahlwa ba basadi. Empa a ka tjekela nqeng efe kapa efe.

¹²⁸ Mme leka feela ho kgutlela ho yena? Ere ebe mosadi wa mofuta o motle, ya emang mono, ya thetelang moriri wa hae morao ha lepolesa le etla. “Kgele,” o tla re, “ehlile, o etsa phoso!” Ha re sa na molao.

¹²⁹ Ba pakile taba eo tsatsi le leng tsekong ya lekgetho eo ke sa tswa tswa ho yona tsatsi le leng. Ha re sa na melao. Haeba e le teng... .

¹³⁰ Ha ho makatse ha babusisi ba baholo ba Engelane a itse, “Puso ya batho ka setjhaha ha se letho haese seile e se nang

tshetledi.” Ke nnete, ho ema hodima lekese la sesepa, ho kgopamisa kgetho. Puso ya setjhaba ka setjhaba e bodile, ho jwalo le ka babusi ba boshwabotshwere le ntho eo yohle mmoho. Ntho yohle e bodile. Ha ho le ntho e le nngwe eo Modimo a loketseng ho e etsa, haese feela ho timeletsa ntho yohle, jwalokaha A boletse hore O tla ho etsa, le ho qadisa ka botjha. Jwale elang hloko ka moo re atametseng ho Kgutla kateng.

¹³¹ Jwale ha mosadi enwa...A mmopela molekane, mme o loketse ho ba molekane wa hae. Mme yaba...

¹³² Jwale, mona, ha ke eso fumane moreri ya dumelanang le taba ena le hona. Mme ba leka ho e etsa ka tsela e nngwe e itseng, leha ho le jwalo ho nna ha e etse kelello. Ba leka ho bolela hore Adama le Eva ba jele diapole tse itseng. Moena, haeba...jwale ha ke bolele taba ena e le motlae jwale, empa ke batla ho e bua. Hobane, haeba ho ja diapole ho etsa basadi ba elellwe ba feela, ho ka ba molemo ho aba diapole hape. Mme le a tseba hore ho nepahetse.

¹³³ Le a tseba, ho ja diapole, ha se seo ba se entseng, ho entseng ba elellwe ba ne ba le feela. Ruri, e ne e se hona. E ne e loketse ho tla ka kopano ya botho. Ho ne ho loketse jwalo, hoba ba elellwa ba feela ha ba ne ba e ja tholwana ena e thibetsweng. Na mosadi ha se sefate sa tholwana? Na wena ha o tholwana ya mmao? Ke yona tholwana e neng e thibetswe ho jewa.

¹³⁴ Jwale ntho e kgolo ke ena. Bohaufi bo fetisisang bo kileng ba tsejwa ke mahlale mabapi le seo motho a neng a le sona.... Ba epolla masapo a kgale, ba nke difosile [masapo a manameng majweng—Moft.], mme ba nke dihlooho, mme ba nke mahata, le matsoho, le masapo, mme ba leka ho ho etsa hore a tshwane le a motho. Mme ba tseba hore ntho e haufi ka ho feta ba kileng ba e fihlela ho fumana motho, e mo hlahlamang, ke shimpanse. Ke ona mofuta o haufi le motho ka ho fetisia; empa leha ho le jwalo ha e amane le motho ka letho, e hodimo ka ho fetisia.

¹³⁵ Jwale mmopo o tlase ka ho feta o leng tseng ke seholo; mmopo o hodimo-dimo ke motho. Modimo o qadile tlase le ho bopa ho ya hodimo, ho fihlela A o fihlisa kwana setshtwanong sa Hae. Ho se fetisa hara dinonyana le diphoofolo, le ho nyoloha jwalo, ho fihlela A fihla setshwantshong sa Modimo. A etsa motho ka setshwantshong seo. Ke wona mmopo o hodimo-dimo. Mmopo o tlase-tlase ke hlapisehoho [“polliwog”—Moft.] e ileng ya fetohela seholong, le jwalo-jwalo.

¹³⁶ Jwale, lehokelo lena le lahlehileng, leo ba sa kgoneng ho le fumana. Hlokamelang Lengolo jwale. Lona, le tliro hanyetsa taba ena, bongata ba lona, empa ke batla ho... hore feela le e boloke mohopolong. Mme le se be le tshekamelo e kgahlano le yona. Mamelang.

¹³⁷ Ke a tseba bongata ba lona bo ne bo ntse bo mametse Ngaka DeHaan. Ruri ke...Ho latela mokgwa wa seriti sa hae, mme ke moena ya kgabane wa Baptise, mme ruri ke a mo ananela. O ruile hlalefo e fetisisang le kelello, mme o—o fumane ho feta kamoo nkileng ka tseba; hoba ke Ngaka ya—ya Thutamodimo, mme ke ngaka ya meriana, mme hape ke Ngaka ya Thutamahlale. Ke monna ya masene. Empa o bolela hore dintho tseo...Ha bara ba Modimo ba bona hobane baradi ba batho ba batle; o ema lehlakoreng la Josefase, mme o re “ba—ba ile ba ikenya nameng ya motho,” mme ba inkela basadi. Mme ho ne ho e na le difonthwane naheng ya Node. “Mme ba inkela basadi le ho phela le bona, ha bara ba Modimo, Mangeloi a weleng, a inkela baradi ba batho; mme takatso ya thobalano ya botho e le ntho e kgolo hakana, mme leha ba ne ba tletse sebe hakaalo ka baka la ho wa, ba ikenya nameng ya motho.”

¹³⁸ Haeba a ne a ka kgona ho etsa hono, a ne a ka senya phodiso ya Kgalalelo, a ka senya ntho e nngwe le e nngwe e sele. Haeba diabolosi a kgona ho bopa, o lekana le Modimo. Diabolosi o sitwa ho bopa. Ke batla le mpontshe sebaka se le seng moo diabolosi a ka bopang. O sitwa ho bopa. O mpa a kgopamisa se bopilweng. Ha se mmopi. Ke mokgopamisi feela.

¹³⁹ Ke hantle, ebile, ho etsahala eng? Hlokomelang. Tlhahiso yaka ke ena. Lehokelo le lahlehileng ke lena.

¹⁴⁰ Jwale ba na le shimpanse, empa o ke ke wa nehela mosadi ka shimpanse mme ha tswalwa ngwana. O ke ke wa tsosa motho ka phoofolo efe kapa efe. E ke ke ya tswakanya. O ke ke wa fepela madi, phoofolo efe kapa efe.

¹⁴¹ Ha ke ne ke le Afrika, ba ne ba tshwere batho bao ba batho ba mmala mono ka mokgwa wona; motho e mong a re ho nna, a re, “Ha se letho haese diphoofolo.”

¹⁴² Ka re, “Ke kopa tshwarelo. Ke batho hakaalo ka wena, mohlomong le ho feta.” E re ke o bolelle, ha o e na le maikutlo a mofuta oo, o ntse o kgutlela morao phoofolong. Ka re, “Monna, haeba a le motsho jwaloka pilo, kapa haeba a le mosehla jwaloka mokopu, kapa a le bolou bo kang ba indigo, a ka pholosa bophelo ba hao ka ho o fepela madi. Empa le ka mohla o se ka ba-ba leka wa kenya madi a phoofolo ho wena.” Ruri, ke motho.

¹⁴³ Ka hobane feelsa letlalo le leng le le letsho, mme le leng le le lesehla, le le leng le le lesweu, ha ho moo ntho eo e amanang teng le yona. Bibele e boletse, “Modimo ka madi a le mang o entse batho bohle.” Mme ke hantle haholo. Dibaka tseo re neng re phela ho tsona, ka ho fetola mebala ya rona, ha ho moo e amanang teng le yona. Modimo o entse ka a le mang—motho ka mong ditjhabeng tsohle, ka madi a le mang, ditjhaba tsohle ka ho tshwana.

¹⁴⁴ Lechaena; motho wa mmala le hona, motho e motsho jwale a ke ke a re, jwale, “Letjhaena, leo—leo le lesehla, ha ho moo ke amanang teng le lona.” Ke moena wa hao. [Moena Branham o kokota sefaleng makgetlo a mmalwa—Mong.] Mme wena motho e mosweu o ke ke wa re ho motho e mosehla kapa motho e motsho, lehae e mong ho bona, “Ha ho moo ke amanang teng le wena.” Ke moena wa hao. Hantle haholo.

¹⁴⁵ Jwale hlokamelang, taba e etsahetseng ke ena. Ke a dumela, mme nka e tshehetsha ka Bibele, hore ke noha e entseng taba eo. Noha ke yena motho eo ya leng siyo pakeng tsa shimpanse le motho. Hoba, mame lang, hlokamelang taba ena jwale, hore noha e ne e se sehababi. E ne e feta ka “bohlale” diphoofolo tsohle tsa na ha.

¹⁴⁶ Jwale, ke ile ka nka dibuka tse hhalosang mantswe, kajeno, ho tswa hoo hle, ho sheba lentswe lena, se bolelwang ke lentswe *bohlale*. Le ne le bolela “ho ba masene, ho ba le hlalefo,” homme, hhaloso e ntle ka ho feta ya—ya Seheberu (ho tswa ho m-a-h-a-h, mahah) le bolela “ho ba le tsebo ya nnete ya metheo ya bophelo.”

¹⁴⁷ Jwale a re eleng hloko motsotso feela. O masene, o ruile hlalefo, leha ho le jwalo o bitswa “noha.” Empa, hopolang, e le ntho bohlale ka ho fetisisa e leng teng, mme a batla a tshwana le motho haholo ho feta ntho efe kapa efe e neng e le tshimong; a le haufi le motho haholo. E ne e se sehababi. Thohako e mo entse sehababi. Mme e ne e le... Bibele e boletse hore e ne e feta tsohle ka botle.

¹⁴⁸ Mme esita le thohako ha e a tlosa botle ba yona bohole; le jwale mebala e tlokomang ya noha e metle, leredi la hae le bohlajana ba yona. Esita le thohako ha e a bo tlosa. Empa, hopolang, Modimo a e bolella hore maoto a yona a tla nyamela mme e tla hahaba ka mpa ya yona. Mme o ke ke wa fumana lesapo noheng le kang la motho, mme ke ka baka leo mahlale a lahlehileng. Empa ke eo moo e leng teng.

¹⁴⁹ Modimo o e patetse mahlo a ba bohlale le ba masene, le ho tshepisa ho e senolela bara ba Modimo, matsatsing a qetelo nakong eo bara ba Modimo ba bonahatswang, mehleng eo, “Bara ba Modimo ba ile ba thaba esita le pele ho motheo wa lefatshe.” Mohla tshenolo e kgolo ya BoModimo le dintho tse neng di tla hlahiswa matsatsintg a qetelo, O ne a tla bonahatsa dintho tsena ka bara ba Modimo. Le a tseba hore Lengolo le ruta taba eo. Mme ke mona moo re leng teng. Ke ka baka leo Modimo a re bulelang dintho tsena. Modimo o hlahisa bana ba Hae ponahatsong. O tshelela ka nqane ho meedi ya kutlwisiso ya botho, kwana ditshenolong, le ho E theola. Na re ne re ntse re sa rute, ka Bibeleng ena, “Ke mona ho ya ruileng bohlale”? E seng seo a ithutileng sona

seminareng ya ho reng; empa seo a ithutileng sona mangoleng a hae pela Modimo, le se kgahlileng Modimo ho mo abela sona. Bara ba Modimo, ba bonahatswa!

¹⁵⁰ Noha ke ena, jwale seo noha e neng e le sona ke sena; ke tla hlahisetsa setshwantsho sa hae.

¹⁵¹ Re na le...re a theoha, ho tswa ho sehoho, ho ya moo ho hlapisehoho, le ho ya tlase jwalo, le *hona-le-hona*, ho fihlela o fihla ho api, ho ya ho shimpanse. Jwale re tshethemela ho motho ho tswa ho shimpanse, mme re a ipotsa hobaneng.

¹⁵² “Tjhe,” mahlale a re, “jwale be butleng! Re ka nehela mosadi ka api le ’mpanse, ka phapanyetsano, motho a ka nehela shimpanse.” Ntho eo ha e n’o sebetsa. E tswadise le phoofolo efe feela; e ke ke ya sebetsa. Madi a ke ke a tswakana; ha o nka madi a hao, ke madi a fapaneng ka ho ferella, ka hohle.

¹⁵³ Ho na le madi a mang dipakeng mona, mme ha ba kgone ho fumana phoofolo. Oh, hallelua, ke ya ke ikutlwa ke tlala borapedi hantle hona jwale. Hlokamelang. Hobaneng? Modimo o ba patetse yona. Ha ho lesapo ho noha le tshwanang le lesapo la motho. O e beile hole hakana hoo e neng e ke ke ya sibollwa ke batho ba bohlale.

¹⁵⁴ Mme ke tla le bontsha moo monna eo ya bohlale a tswang teng, moo—moo a leng teng, leha ho le jwalo. Le a bona, e ke ke ya tla ka hono.

¹⁵⁵ E tlamehile ho tla ka tshenolo, “O Kreste, Mora wa...” “Hodima lejwe lena Ke tla haha Kereke ya Ka; mme dikgoro tsa dihele di ke ke tsa e sisitsnya,” tshenolo ya semoya. Ho tla jwang—Abele o tsebile jwang ho nyehela konyana, ho e na le Kaine ya nyehetseng ka ditholwana tsa tshimo? E ne e senoletswe yena ka moyo. Ha o ke o e fumana ka seminare. Ha o ke o e fumana ka diphutheho tse hlophilweng. O e fumana ka ho tswa Lehodimong.

¹⁵⁶ Jwale shebang noha, noha ena e neng e le teng pele. A re takeng setshwantsho sa yona jwale. Ke tjharolahadi. O pakeng tsa shimpanse le motho. Mme, noha, diabolosi, Lusifere, a tseba hore e ne e le wona feela madi a ka tswakanang le madi ana a motho, yena feela motho eo a neng a ka sebetsa ka yena. A ke ke a sebetsa ka shimpanse, madi ao a ke ke a tswakana. A ke ke a sebetsa ka dintho tse fapaneng. A ke ke a sebetsa ka dinku. A ke ke a sebetsa ka pere. A ke ke a sebetsa ka phoofolo efe feela; a loketse ho sebetsa ka noha ena.

¹⁵⁷ A re mo nkeng jwale re boneng ka moo a shebahalang kateng. Ke seqhobane sa senatla, selo-sephedi sa tshiung tsa pele ho histori. Ke hona moo ba tholang masapohadi ana teng, mme ke tla le bontsha ntho ena ka Bibeleng. Jwale theetsang tsebe. Ho lokile. Tjharolahadi ena, a re reng o ne a—a le bolele

ba maoto a leshome, mahetla a batsi; eka motho hantle. Mme madi a hae; hoba a tle a theoha, a dumellana le phoofofolo ka phoofofolo. Le ka tswadisanya diphoofolo. Mme ya nna ya eketsa ho ba madi a phahameng, mmopo o phahameng, mmopo o phahameng wa bophelo, mmopo o phahameng, ho fihlela o hlwella seemong sa motho. Empa lehokelo la ho qetela mona, dipakeng mona, la kgaoha. Ke ba bakae ba tsebang hore mahlale ha a kgone ho fumana lehokelo le lahlehileng? Le tseba taba eo bohle. Hobaneng? Ke enwa moo a leng teng, noha. Ke enwa moo a neng a le teng, tjharolahadi ya senatla.

Mme diabolosi a theoha, jwale, o re, “Nka kenya tsusumetso.”

¹⁵⁸ Jwale ha o qala ho sheba basadi, mme o sebetsana le basadi, hopola, o tlotsitswe ke diabolosi; ha se mosadi wa hao ka sebele.

¹⁵⁹ Elang hloko, jwale, diabolosi o a theoha mme o kena ho noha. Mme a fumana Eva ka tshimong ya Edene, a le feela, mme a bue ka tholwana e hare. *Bohare* bo bolelang “mahareng,” le jwalo-jwalo; le a utlwisia ka hara letshwele le kopakopaneng. Mme a re, “Jwale, e monate. E kgahlisa mahlo.” Mme yaba o etsang? A qala a etsa lerato ho Eva, mme a phela le yena jwaloka monna.

¹⁶⁰ Mme a bona hobane e ne e kgahleha ka baka leo a tloha ho ya bolella monna wa hae, empa a se a emodisitswe ke Satane.

¹⁶¹ Mme a tswala mora hae wa letsibolo, eo bitso la hae e neng e le Kaine, mora Satane.

“Jwale,” o ka re, “ho fosahetse.”

¹⁶² Ho lokile, re sa tla fumana hore taba eo e fosahetse kapa tjhe. “Mme ke tla bea hloyano pakeng tsa Peo ya hao le peo ya noha.” Ke eng? Peo ya noha! O ne a e na le Peo, mme le yena a e na le peo. “Mme E tla o kgoba hlooho, mme wena o tla E loma serethe.” Mme ho kgoba, mono, ho bolela “ho etsa Pheko.” Jwale ke eo “peo” ya lona ya noha.

Jwale, hlokamelang, banna bana ba babedi ke bana ba e tswa.

¹⁶³ Jwale, noha ena, ha e ne e eme mono, tjharolahadi ena ya sefonthwane e ne e eme mono, e jere molato wa ho etsa bohlola le mosadi wa Adama. Sebe se laletse kae kajeno? Ho etsang dintho di be ka mokgwa oo ke eng kajeno? Jwale, ke—ke... Ruri le ka kgona ho tshwara seo ke buang ka sona. Mme ke eo moo e neng e le teng.

Mme hoba a etse jwalo, Modimo wa re, ho qala ka ho bitsa Eva le Adama.

Mme a re, “Ke ne ke le feela.”

Mme A re, “Ke mang ya o boleletseng o ne o le feela?”

¹⁶⁴ Yaba ba qalella ka ho, tlwaelo ya masole, o jarisana molato. Ho re, “E, mosadi eo O mphileng yena, o entse taba ena. Ke yena ya ntjhotjhileng.”

¹⁶⁵ Mme yena a re, “Noha e mphile apole”? Ke hantle, wena moreri, imamele.

¹⁶⁶ A re, “Noha e nthetsitse.” Na le a tseba ho *thetsa* ho bolelang? Ho bolela “ho silafatsa.” Mme ho etsahetse jwalo ka yena. Diabolosi ha a mo fa apole le ka mohla. “Noha e nthetsitse.”

Mme yaba thohako e a latela.

¹⁶⁷ A re, “Ka baka la hobane o mametse noha ho e na le monna wa hao, o tlositse Bophelo lefatsheng. Mme o tla—o tla atisa matshwenyeho a hao; mme kemolo ya hao etlaba monneng wa hao,” le jwalo-jwalo.

¹⁶⁸ “Ka baka la hobane o mametse mosadi wa hao, ho e na le Nna (Ke o ntshitse leroleng; mmopo o hodimo ka ho fetisia), o tla kgutlela leroleng.”

¹⁶⁹ “Mme, noha, ka hobane o entse taba eo, leoto la hao le tla nyamela. O tla hahaha ka mpa ya hao, matsatsi wohle a bophelo ba hao. Mme o tla hlouwa. Mme lerole etlaba dijo tsa hao.” Ke moo he. Ke leo lehokelo leo le lahlehileng.

¹⁷⁰ Jwale Kaine ke enwa a etla. A re shebeng dimelo. Kaine ke enwa a e tla. Ke eng? Ke rakgwebo ya sedisedi. O lema masimo. Bohlale, kelello; o na le borapedi, o tletse borapedi haholo; bonang—bonang ditholwana tsa hae jwale. Tsamayang le nna jwale metsotso e mmalwa ho feta.

¹⁷¹ Ke enwa a nyoloha. O a tseba hore o na le boitshwaro. O batla ho ya kerekeng. O ikahela kereke, o iketsetsa sehlabelo. Ho tlisa aletare, le ntho tsohle. Ho haha aletare, ho hloma dipalesa tsa hae hodima yona. Ho bea tshimo, ditholwana tsa tshimo, ho di nyehela Modimo. Ho re, “Ke Wena enwa he, Morena. Ke a tseba re jele diapole, ke hona ho bakileng taba ena.” A mang a mahlomela a hae a sa tshwere monahano wa mofuta oo. Ho bontsha moo o tswang teng. Ho tlisa diapole tsa hae, ho tswa tshimong, a di bea mono, ho re, “Hona ho tla etsa pheko.”

Modimo wa re, “E ne e se diapole.”

¹⁷² Empa, ka tshenolo ya semoya, Abele a tseba hore e ne e le madi. Ka hona a tlisa konyana, a hlahlatha kgokgotho ya yona, mme ya shwa.

¹⁷³ Mme Modimo wa re, “Ke hantle. Ke hona ho e bakileng. E ne e le madi.” Le tseba madi ao ke buang ka wona. Ho lokile. “Ke madi a bakileng hona.”

¹⁷⁴ Jwale hlokomelang. Mme eitse Kaine ha a bona hore moena'e wa mohalaedi ya thethehang o amohetswe pela Modimo, mme mehlolo le meeka e etswa tlase mono, a mo

honohela. A re, “Re tla fedisa ntho ena hantle hona jwale.” Bonang baena ba hae, shebang bana ba hae, kajeno. “Jwale, ke bohlale ho feta,” ka hona a halefa. Ho *halefa* ho tswa kae? Na o ka re kgalefo... A bolaya moena’e. E ne e le mmolai.

¹⁷⁵ Na o ka bitsa Modimo mmolai? Mme Adama e ne e le mora Modimo. Bibebe e boletse, hore, “Adama e ne e le mora Modimo,” qalo eo e hlwekileng morao mane. Adama e ne e le mora Modimo. Mme mona le mohono, le ntho e nngwe le e nngwe, e ke ke ya tswa molapong oo o hlwekileng.

¹⁷⁶ Ho ne ho loketse ho tswa sebakeng se seng. Mme hono ho ttile ka Satane, eo e neng e le mmolai, le ho qaleng. Bibebe e boletse, “E ne e le ntata leshano le mmolai, le ho qaleng.” Mme ke eo moo e leng teng. Mme a bolaya moena’e.

¹⁷⁷ Mme taba eo e le papiso ya lefu la Kreste. Yaba, ho tswa mono, ehlide, A hlahisa Setha ho tlatsa sebaka sa hae. Lefu, kepelo, le tsoho ya Kreste.

¹⁷⁸ Mme bonang, he, difonthwane tsa lona ke tsena di etla. Yaba Kaine o ya naheng ya Node. Haeba ntatae e ne e le tjharolahadi ya sefonthwane, Kaine o ne a tla ba jwang? Ntatae. Mme a ya naheng ya Node, mme a nka e mong wa dikgaitse tsa hae.

¹⁷⁹ Wona feela mokgwa oo a neng a ka sebetsa kateng. Ha ho barwetsana ba neng ba ka tla, haese ka Eva feela. Ho thwe ba ne ba na le bara ba mashome a supileng le baradi. Haeba—haeba ho ne ho se barwetsana... Bibebe ha e ngodise barwetsana ha ba tswala, ke monna feela. Mme ha, haeba ho ne ho se ba batshehadi ntle le Eva, ha na shwa, morabe wa batho o kgauditse ho ba teng. O ne a loketse ho ba le baradi. Mme a loketse ho nyala kgaitse tsa hae.

¹⁸⁰ A ya naheng ya baNode mme a nka—mme a nka mosadi wa hae. Mme yare hoba a mo nyale mono, ke hona moo re fumaneng difonthwane tseo tsa di tonana, tseo e neng e le bara ba Modimo ba weleng; ba ttileng ka ntata bona, diabolosi, ka Kaine. Lehokelo la lona le lahlehileng ke leo.

¹⁸¹ Mme bonang peo ya noha. Jwale hlokamelang. Hopolang, peo ya noha e na le borapedi. E boneng ha e qala e tsamaya jwale, ka metsotso e mmalwa. Ke ena e tloha, peo ya noha. Ha etsahala eng ka bona? Jwale e reng ke bale ho hong mona, ke e ngotse fatshe thapamemg ena.

¹⁸² Ho ttileng ka lesika la Abele ke eng? Mmamelang taba ena. Ho lokile. Yaba ho tla Abele. Ka morao ho Abele ho tla Setha. Ka morao ho Setha ho tla Noe. Ka morao ho Noe ho tla Sema. Ka morao ho Sema ho tla Abraham. Ka morao ho Abraham ho tla Isaka. Ka morao ho Isaka ho tla Jakobo. Ka morao ho Jakobo ho tla Juda. Ka morao ho Juda ho tla Davida. Ka morao ho Davida ho tla Kreste, ho ya phethehong.

¹⁸³ Bonang morao mono ka moo Moya wa Modimo o phetseng ho Abele. Bonang ka moo O phetseng ka ho Setha. Bonang ka moo O phetseng ka ho Juda. Bonang ka moo O phetseng ka ho Davida. Bonang Moya wona oo o bitsang, peong eo e lokileng, ho theosa jwalo. Ho sa tsottelehe seo ba se entseng, ba ne ba rerilwe pele.

¹⁸⁴ Bonang Jakobo, ditshila tsa . . . Ha ke bolele taba ena ka ho nyedisa borapedi. Empa Jakobo, mothwana ya boi, a tshwere moleka wa kobo ya mmae ka nako tsohle; a matha hohle, moshanyana ya sadifetseng. A ikapesa ka dintho, a tswa mme a thetsa ntatae, ho fumana hlohonolofatso; empa e ne e neilwe yena pele lefatshe le thewa. Ehlide, ho le jwalo.

¹⁸⁵ A tswela mono mme a thetsa mohwehadi wa hae; mme a nka dithutswana tse itaseng tse mebala, thutswana tsa papoliri, mme a di kenya metsing, ho tshosa makgomo ana ha emere; ho etsa a tswale dikgomo tse thobosha, a tle a qhekelle mme a nke dikgomo tseo. Modimo wa mo hlohonolofatsa ketsong eo. Ke hantle.

¹⁸⁶ Ho madimabe ya buang taba kgahlano le Jakobo. Le a tseba ke eng—le tseba se boletsweng ke moporofeta wa bohata . . . Kapa, o ne a porofeta hantle. Baalame, o itse, “Ho tla hlohonolofatswa ya mo hlohonolofatsang, mme ho tla rohakwa ya mo rohakang.”

¹⁸⁷ “Ke o ntshitse, wena Jakobo. Ke mo fumane a le jwaleka . . . jwaleka naheng e sele. Mme jwaloka ha ntsu e okaokela sehlaha sa yona, ka mo hlwibila mme ka mo ntsha.” Hallelua! [Moena Branham o opa diatla tsa hae hararo—Mong.] “Ha se ka matla, ha se ka tjheseho, empa ka Moya wa Ka, ho bolela Morena.”

¹⁸⁸ Bonang seo ho theoheleng ha sona phethehong eo. Moya oo o sebeditse jwalo ho ya fihla phethehong e ho Kreste, jwalo ho e mong le e mong wa Bapatriareka, ho theosa hantle. Ho sa tsottelehe seo ba se entseng, seo ba se buileng, seo ba se entseng, bao e ne e le peo ya ba lokileng amaruri.

¹⁸⁹ Mme, mona, ha Abrahama ya lokileng . . . Thoriso! Kgele, ke ikutlwa ha monate ruri. Ha Abrahama ya lokileng a ne a kopana le Melkisedeke, Eo e neng e le Modimo ka boYena!

¹⁹⁰ Melkisedeke e ne e le mang? “Morena wa Saleme, e leng Morena wa Jerusalema, Morena wa kgotso. Ya neng a se na ntatae. Ya neng a se na mme. Ya sa kang a ba le qalo ya ditshiu, ya se nang qetello ya bophelo.” E leng hore Eo ke Mang, O sa phela le jwale. “Ya sa kang a tswalwa. A ke ke a shwa le ka mohla. Ya sa kang a ba le ntate kapa mme. Ya sa kang a ba le qalo ya ditshiu, leha e le qetello ya bophelo.” Mpolelleng hore E ne e le mang. Modimo Rabosafeleng; ho seo re se bitsang . . .

¹⁹¹ Kgele, ke lebala feela hore ntho eo le e bitsang jwale. Theophany, ke seo e leng sona. Ho kang feela...E seng kgopololo-taba; feela ke ntho e bonahatswang. Jwaloka mohla A tlang ho Abrahama tenteng hodimo mono, jwaloka lengeloi, le ho porofeta, le ho bolella Sara hore o tshehile, ka mora Hae, le dintho tse jwalo. Ntho eo, ke ntho e tshwanang.

¹⁹² Mme ke Enwa moo a neng a eme teng. A kopana le Melkisedeke. Mme moholo-...ntatemoholo Abrahama, peo ya ba lokileng, a ntshetsa Melkisedeke karolo ya lesome; mme ya ballwa setloholwana sa hae tlase mona, peong ya ba lokileng.

¹⁹³ Jwale ke mona ho tla peo ya—ya noha. Jwale, hopolang, ho tla hlaha hloyano, ntwa pakeng tsa bona.

¹⁹⁴ Peo ya noha e a tla, mme e hlahisang? Jwale a re nkeng dilemo tse mmalwa tsa pele. Jwale bonang taba e etsahalang mono. Re tla e balla tlase, hoba ke sa tswa e hlahluba. Peo ya noha e hlahisitse Kaine. Kaine a ya naheng ya Node, a hlahisa difonthwane, mme yaba ba tla naheng ya Nohe.

¹⁹⁵ E le batho ba masene, ba rutehileng, ba tletseng hlalefo. Na ke nnete? E le dihahi, basibolli, boramahlale; e seng ho tswa peong e lokileng, empa peong ya Satane, noha. E le banna ba kang—ba kang boramahlale, le diahi, le banna ba phahameng, barupelli. Lengolo le bolela jwalo. Ba ne ba tea bronse. Ba tea tshepe. Ba tea dimetale. Ba sibolla dintho. Ba tea dimetale tse fapaneng, le ho haha matlo le tse jwalo. Lengolo le bolela jwalo. Mme e le basomi ba Peo e lokileng ya mosadi, Noe, ya lokileng. Na ke nnete? [Phutheho e re, “Amen.”—Mong.]

¹⁹⁶ A re ba saleng morao ho se hokae. Re ntano ba, nyollela arekeng, ntho e nngwe le e nngwe ya timeletswa. Ha fihlelwa hlakantsutsu e kakang ya sebe, mme ba nka puso, homme ba masene le ba bohlale. Ho fihlela, Modimo wa tadima fatshe, ho ne ho se ba bangata haholo ba setseng, ka baka leo a kenya Noe le lelapa la hae ka arekeng, mme a nesetsa pula fatshe le ho timeletsa ntho yohle. Ho nkela Henoke hodimo, pele ho nako. Ke nnete eo? [Phutheho e arabela, “Amen.”—Mong.] E ne e le peo yohle eo, e batla e-ba peo yohle; empa O na le morero o loketseng ho phethwa.

¹⁹⁷ Jwale, Noe le bara hae, e leng ba tswileng, Kama, Sema, le Jafeta, ba tswa lesikeng le lokileng.

¹⁹⁸ Ho tlie jwang hore peo e tshele le ka mohla? Peo e tshedisitswe arekeng, jwalo feela kaha e entse qalong ka mosadi, basadi ba bona. Ba jara peo ya Satane, ho feta le arekeng; jwalo feela kaha Eva a jere peo ya Satane, ho tswala Kaine, ka mosadi.

¹⁹⁹ Le bea basadi bao dikalaneng tsa lona hore ebe bareri, hodima Bibebe e kgalema taba eo! Paulose o boletse, “Ekare ha

motho a itekanya hore ke moporofeta, kapa motho wa moya, a ke a tsebe hore polelo ena ke molao wa Morena; empa ekare ha motho a hloka temoho, a itulele a hloka temoho.”

²⁰⁰ Ke ka baka leo ke tswileng kerekeng ya Baptise tlase mona. Moena Fleeman o na le teng mona nakwaneng ya ho feta; ke a kgolwa o na le teng bosiung boo. Ngaka Davis a re, “O tla ema mona mme o tlotse basadi bana hore ebe bareri.”

Ka re, “Nke ke ka etsa taba eo. Tjhe, le kgale.”

A re, “Be, ke tla o kgarameletsa ka ntle.”

²⁰¹ Ka re, “Ke se ke kgarameleditswe ntle molemong.” Ka re, “Lena ke Lentswe la Modimo, mme Le kgalema taba eo. Nke ke ka tiisetra nthong eo Modimo a e kgalemang.” Tjhe, monghadi.

²⁰² Mang le mang ya etsang hono, o bontsha hore ke moruti wa bohata, baporofeta ba bohata. Bibele e boletse hore ba tla hlaha. “Ho thetsa le bona bakgethwa hola ke ntho e ka etswang.” Ke moo he.

²⁰³ Hlokamelang hona jwale. Mme ho tswa moo, he, ha tla Kama, Kama le mosadi wa hae, le bao. A ikgulela thohako hodimo. Ho Kama ho tswa Nimrode, ya hahileng Babilona. Babilona ho tswa kereke ya Katholike, qalo ya yona. Ho theohela tlase jwalo ka Akabe. Ho tloha ho Akabe, ho tla Judase Iskariota; ho e phethela, antiKreste.

²⁰⁴ Mme matsatsing ana a qetelo, moya wa antiKreste ke ona le Moya wa Kreste. Moya wa antiKreste, o re, “Matsatsi a mehlolo a fetile.” Moya wa Kreste, o re, “E sale Yena maobane, kajeno, le kahosafeleng.” Moya wa antiKreste, o re, “Ha ho etse phapang ya letho haeba o kolobeditswe ka ‘Ntate, Mora, Moya o Halalelang,’ ho horometswa, hofafatwa, seo e ka bang sona feela, e bolela ntho e tshwanang.” Bibele e boletse hore Modimo ha a tlaile, mme A ke ke a fetoha. Ke mang eo le tla mo sebeletsa? Ho ho lona.

²⁰⁵ Jwale o re, “Na ba ka dula mmoho? O boletse, ho re, ka hara areka mane, Moena Branham, o ne o kentse bobedi Kama le Setha.” Ke hantle, hantle haholo. Kama o ne a le kgopo. Setha a tletse borapedi mme a lokile. Ke hantle.

²⁰⁶ A re saleng Kama morao. Ke hantle, jwale, Kama le Setha ke bao ka arekeng e le nngwe; e mong ke ya lokileng, mme e mong ke ya sa lokang. Ho na le lekgwaba le leeba ka arekeng e le nngwe. Ho ne ho le Judase le Jesu ka kerekeng e le nngwe. Ho na le antiKreste le Moya o Halalelang ka kerekeng e le nngwe.

²⁰⁷ Mme, kajeno, meya eo e a sebetsa. “Ba nang le sebopetho sa borapedi, ba tletse bodumedi, empa ba nang le sebopetho sa borapedi homme e le ba latolang Matla a jona; le ba jwalo o ba

furalle.” Moya o Halalelang o bolela, ho re, “Jesu Kreste esale yena maobane, kajeno, le kahosafeleng.” O tla kgetha lehlakore lefe?

²⁰⁸ AntiKreste o bolela hore Hona ke Buka ya ditshomo feela. [Moena Branhamm o supa Bibele ya hae—Mong.] “Ke tla pheta maipolelo a Tumelo ya Baapostola.” Ke phepetsa moreri ofe kapa ofe ho mpoella moo maipolelo a Tumelo ya Baapostola a fumanwang ka Bibeleng: “Ke dumela ho Modimo, Ntate ya Matlawohle, mmopi wa Mahodimo le lefatshe; le ho Jesu Kreste, Mora wa Hae. Ke dumela ho Kereke e halalelang ya Katolike, le kopano ya bahalaledi.” O fumana taba eo kae ka Bibeleng? Mme hodima ho le jwalo le thothokisa ntho eo ka dikerekeng tsa lona tse kgolo tsa Methodise le Baptise. Ke thuto ya diabolosi, mme baporofeta ba bohata ba e ruta.

²⁰⁹ Mme ke a kgolwa ha ke thonkge maikutlo a lona, empa ke otrella taba eo tabernakeleng ena. Lona ba leng mona Tabernakeleng ya Branham, suthang dinthong tse jwalo. Ntho efe kapa efe e dumelang kopanong ya bahalaledi ke boloi. “Ho na le mmuelli a le mong feela pakeng tsa Modimo le motho, mme ke Monna Jesu Kreste.” [Moena Branham o kokota sefaleng makgetlo a mane—Mong.] Ha ho tsottelehe hore ho na le boMaria ba bakae!

²¹⁰ Le bona ka moo peo ya noha e sebeditseng morao mono? Le bona ka moo peo ya mosadi e tshedisitseng mono?

²¹¹ Bonang kajeno, Amerika. Amerika ke peo ya diabolosi. Ke eng? Ke setjhaba sa mosadi. Le utlwile, “Lena ke lefatshe la mosadi.” Ke nnete. Ke setjhaba sa mosadi. Ba radile motheo.

²¹² Ke ne ke etele mono, nakong e seng kaalo ya ho feta, kwana Switserlane. Basadi ba ne ba re... Mosajana e mong, ya tletseng Moya o Halalelang a re, “O a tseba, ha nka ya kwana Amerika, ba re basadi ba na le tokoloho.”

²¹³ Ka re, “Ere ke o bolelle moo taba eo e lebisang teng.” Mme ka qalella ho mmolella.

A re, “Oho, mohau, ha ke batle letho la hona.”

Ka re, “Ke hona moo e lebisang teng.”

Le a tseba, mono ha ba sebetse dintho ka moo di sebetswang mona.

²¹⁴ Ke eng? Ereng ke le bontshe hore Amerika ke mosadi. Tjheleteng ya rona ho na le setshwantsho sa mosadi. Ntho e nngwe le e nngwe mona ke mosadi.

²¹⁵ Mpolelleng, ha ho matlo a lekaneng naheng a thitelo ya jwala, ha ho n'o ka ba le... Le ka bea matlo a thitelo ya jwala a mashome a mane motseng mona, mme la bea diotswa tse tharo, basadi ba batle ba itshothang matheka ba theosa le

seterata; ba ka isa meya e mengata diheleng, ka ho ba lakatsa, ho feta matlo wohle a mokolang jwala le ka a beang motseng. Ke hantle haholo.

²¹⁶ Ke mang he? Ke mosadi. Ke eng yena? Ke modimo wa Amerika.

²¹⁷ Nkang ba bang bana ba dibapadi tsa ditshwantsho, mme ba nyolohelo mono, ba nyetswe hane kapa ha hlano, ba phelang le banna ba bararo kapa ba bane ba fapaneng ka nako e le nngwe; le makasine a mang a ba pepesang o ba bolelle, ho nka ditshwantsho tsa bona tse ponopono mono. Mme lona bananyana le beha hono e le mohlala wa lona, (hobaneng?), ka baka la mmao ya tlileng pele ho wena, mohlomong, nkgon'ao ya tlileng pele ho wena. Le bona moo peo ya noha e sebetsang teng? Ruri, ho jwalo.

²¹⁸ Mme e etsang? Mme haeba bokgopo bo etelwa ho isa melokong e leshome le metso e mene, tlasa molao, bokgopo bo tla etsang ha bo ka etelwa tsatsing lee, nakong eo peo ya ba lokileng e seng e batla e fedile? Mme Modimo o boletse hore hotla tla nako eo ka yona, haeba A ke ke a kgaola mosebetsi ha kgutshwane, ho ke se be letho la yona le salang. Re nakong ya qtetelo. Tsomang ya lokileng bosius bona; haolang le metse!

²¹⁹ Oho, o fumana ditho tsa kereke tse tshepahalang ha kaalo feela ho Mabaptise le Presbeteriene, le dintho tse jwalo-jwalo, kamoo ho ka etswang. Empa ha ho moo ba amanang teng le Modimo hakaalo kaha moutla o ka lokela ho rwala dieta tsa lehlwa. Ha ho tsejwe letho ka Yona! Hohle hoo ba ho tsebang... Na o Mokreste? "Ke Mokatolike." Na o Mokreste? "Ke Mobaptise." Na o Mokreste? "Ke Mopresbeteriene." Na o Mokreste? "Ke Mopentekosta." Taba eo ha e amane le Yona kae kapa kae.

²²⁰ O Mokreste ka hobane Modimo, ka mohau wa Hae, o pholositse. Mme o tseba Taba eo. Homme ntho e nngwe e fetotse bophelo ba hao, hoo o phelang ka mokgwa o fapaneng. Mme o motho e motjha ekasita le mmopuwa ho Kreste Jesu. Ruri.

²²¹ Empa na le bona moo peo ya noha? Peo ya noha e ne e le eng? Bohlola. Le a latela? Bohlola le Eva. Ha etsahalang ka yona. Hoo ho hlahisistse eng? Bosius boo ke eng?

²²² Shebang morao kwana, dilemong tse mmalwa tse fetileng, ha pina ya pele e ne e hlahella. Lona batho ba hodileng, nakong eo... Ba ne ba tlwaetse ho sesefa dipina pele ba ka di dumella ho binwa seyalemoyeng. Mme ya pele e tswileng, e le yona eo, "A thetheng, bananyana, a thetheng, le bontshe mangole a lona a matle," le dintho tsohle ka mokgwa oo. "Ntate le mme le ba je ka ditsheho, mme le ba tshehe bohole 'ha-ha-ha!'" E le ya pele eo ba e dumletseng ho nyenyelepa. Le nahana hore thaka leo le ngotseng pina eo le kae bosius boo? O shwele.

²²³ Le nahangan ka Clara Bow, ya ileng a hlahella mme a re, "methinya e kotsi," homme setantshi sa maponopono se isitseng meya e dikete diheleng? Le nahana hore o kae bosiung boo? O shwele kgale nako e fetileng. O kae, ka mmele oo wa hae? O robetse mono, o putile leroleng, mme diboko le tshwele di o jele. Mme moyo wa hae o robetse mono ka pela Modimo o nang le toka.

²²⁴ O kae monna eo ya nkileng mosadi eo mme a etsa diaparo tseo tse manyala tseo ba di aparang, ho etsa hore di tomolohe ka mokgwa o itseng le o itseng, le ho etsa ka boomo hore di se ba lekane? Ka baka leo, hobaneng ba entse hono? Hobaneng le apara dintho tsa mofuta oo? Hobane le batla hore monna a le shebe, mme ha ho mokgwa oo e ka pakwang ka wona. [Moena Branham o kokota sefaleng makgetlo a mmalwa—Mong.]

²²⁵ Mme na o a tseba ha o etsa taba eo, mme moetsadibe wa kgale ya itseng a o sheba, na o tseba se etsahetseng? Setulong sa Kahlolo...O ka re, "Moena Branham, ke tshephala ho monna wa kamoo nka kgonang." O tla ballwa o le molato wa etsa bofebe. Jesu o boletse, "Ya shebang mosadi ho mo lakatsa o se a mo febile pelong ya hae." Ha monna eo a loketse ho arabela ho etsa bofebe, ke mang ya bakileng taba eo? Mokgwa oo o apereng le ho itshwara kateng.

²²⁶ Jwale, jwale ha ke bolele hore o loketse ho apara jwaleka ntho e itseng e tswang lekeseng la kgale. Empa, o ka shebahala jwaloka mofumahadi ya kgabane ho feta.

²²⁷ Homme ho tswela ntle mona le ho hlobola, marikgwerekigwana a hao a makgutshwane, mme o tlame lebanta o le potise jwalo; mme lesea la hao mahlwana eke setshelamolora sa sakrete, ka sakrete molomong wa hao, a theosa ka seterata. Ha o etse taba eo bakeng sa morero o lokileng. E ka nna yaba ha o lemohe nnete eo, empa diabolosi o sebedisa jwaloka sesebediswa jwaleka ha a sebeditse ka Eva.

²²⁸ Hobaneng e le setjhaba sa mosadi? Hoba e lebisa hantleng pusong ya Bokatholike. Kajeno ke eng? Ha le-so utlwe ba bina ka Jesu. "Ahe Maria! Maria, mma Modimo! Mohalaledi Cecilia!" Mefuta yohle ya bahalaledi, bahalaledi ba shweleng. Ha se kgale haholo mona . . .

²²⁹ Ke ne ke le tlase Meksiko, selemong se fetileng. Mosadi wa batho ke enwa a etla, a hulana. Mangole a hae, a kgumutswe, le lettalo; a meketsa mme a kopantse diatla tsa hae. Mme ntate a tsamaya mmoho a jere bana ba babedi ba ba nyenyane, ba lla; mme a sotleha hona; ka hobane mosadi ya itseng eo ba mmitsang mohalaledi, o na shwele. Ba ne ba beile sefika sa hae hodima leralla. Moratuwa ya itseng a ile a mmolaya. Mme hang feela ha a bolawa ka tsela eo, hoba, ke mohalaledi; e ne e le Mokatholike. Mme jwale a ya, etsa pako; mme a loketse ho hulana dimaele tse pedi, hodima majwe a kgidikwe, ho etsa pako.

²³⁰ Moena, ha ho e na le ntho e le nngwe eo ke loketseng ho e etsa, Jesu Kreste o shwetse lefeela. Ke ka Mohau, ke pholositsweng; mme ha ho tswe-tswe ho nna, empa ke ka thato ya Modimo, le ka lereko la Modimo.

²³¹ Baqolotsi bao ba ditaba ba mpotsa, ba re, “Mong. Branham...” E-e nthwana, lesea le shweleng le ne le tsoseditswe bophelong, le dintho tse mmalwa mono. Makatholike a dikete tse mashome a mararo... Tjhe, ntshwareleng. E le dikete tse mashome a mabedi. Dikete tse mashome a mararo e ne e le Afrika. Makatholike a dikete tse mashome a mabedi a amohela Kreste jwaloka mopholosi wa bona, ka nako e le nngwe, ha ntho eo e ne e etsahala, ho engwe Motseng Meksiko. Mme baprista bao, ba sa kgone ho bua letho, ho le ho ngata haholo, ho ne ho ka qala mofererefere. Ho e na le bongata bo boholo lehlakoreng. Ka hona a re, “Mong. Branham, na o a dumela hore bahalaledi ba rona ba ka etsa ntho yona eo o e etsang?”

²³² Ka ho tseba thuto ya bona, ka re, “Ehlide, haeba ba phela.” Le a bona? Ka hona, o ke se be mohalaledi wa Katholike pele o shwele, o a tseba.

Ka baka leo a re, “Kgele, o ke ke wa ba mohalaledi pele o eshwa.”

²³³ Ka re, “Le e bala kae taba eo? Paulose o itse, ‘Ho bahalaledi ba Efese,’ e leng bao ba bitsitsweng ke Modimo. ‘Ho bahalaledi ba leng Efese,’ o ne a bala lengolo la hae; le bahalaledi ba dibakeng tse ding, ba Galatia, le—le ‘bahalaledi ba Roma,’ le jwalo-jwalo. Bahalaledi, ‘ba halaleditsweng.’ Ho ka thweng ka taba eo?”

²³⁴ A re, “Ehlide, ha re a lokela ho tsekisana ka Bibebe. Hobane, rona re kereke, mme se bolelwang ke kereke. Ha re natse seo Bibebe e se bolelang. Ke se bolelwang ke kereke.” Ho re, “Mohopolo wa hao ka Kereke ya Katholike ke ofe?”

²³⁵ Ka re, “Eka o ka be o sa mpotsa hono. Empa ka hoba o mpotsitse, jwale ke tla o bolella Nnete.”

Ho re, “Tjhe, ke batla o mpolelle Nnete.”

Ka re, “Mokgwa o phahameng ka ho fetisia wa boloi oo ke o tsebang.”

A re, “O ka bolela taba eo jwang?”

²³⁶ Ka re, “Ntho e nngwe le e nngwe e kopanang le bafu ke moloi.” Ka re, “Haeba mohalaledi eo a kgona ho arabela hape, etlaba o diheleng. Ka hobane, bao ba seng ba tsheletse ka nqane ho tsela, Bibebe yaka—yaka e boletse hore a ke ke a kgutla.” Ke hantle haholo. Mme ka re, “Haeba ho le jwalo, haeba e ne e le mohalaledi; ke diabolosi ya buang jwaloka mohalaledi, mme ha se mohalaledi, ha ho fela ho le jwalo.”

²³⁷ Mme a re, “Be, jwale, be butle motsotso feela.” Ho re, “Le lona, le na le kopano le ba shweleng.”

Ka re, “Kae?”

A re, “Jesu Kreste o shwele.”

²³⁸ Ka re, “Empa O tsohile hape. Ha A shwa. Empa O a phela, ho ema dipakeng, e le mmuelli a le mong feela pakeng tsa Modimo le motho.”

²³⁹ “Ke Nna ya neng a shwele, le ho phela hape kahosa feleng. Ke tshwere dinotlolo tsa lefu le dihele.” “Motho mang le mang ya ratang, a tle mme a nwe metsing a Bophelo feela.” Kgele! Ke Modimo wa rona eo. Ke Modimo wa rona eo.

²⁴⁰ Mme peo ya ya lokileng e se e batla e fedile. Bua le batho ka dintho tsena. Bua le batho ka ho kgutlela tseleng ya Bibebe. Bua le batho ka mehlolo ena. Bua le batho ka ka hono. Ya bona “kereke ha e dumele Hono,” ka hona ke bana ba bonyatsi, ho Modimo. Bibebe e boletse hore ha re sa kgone ho mamella matshwenyeho, le diteko, ditshokelo, le ho bitswa “bathethehi ba halalelang” le dintho tse jwalo, ka tsela eo; ha le sa kgone ho e mamella, le bana ba bonyatsi, mme ha le bana ba Modimo. Bibebe e itsalo.

²⁴¹ Mpitseng “mothethehi ya halalelang,” ha le batla. Mpitseng ntho efe feela eo le e batlang. Ha feela pelo yaka e lokile pela Modimo, mme boiphihlelo ba ka bo bapa le Bibebe ya Modimo, ke hahamalla pele nqeng ena hantle. E, monghadi. Ke seo re se dumelang. Ke Kereke ya Modimo o phelang eo, e sa tleng ka thutamodimo. Ha e tle ka kutlwisiso e itseng e entsweng ke motho, ka hlalefo. E tla ruri ka Nnete e senotsweng hore Jesu Kreste ke Mora Modimo.

²⁴² Haeba ke ne ke na le kutlwisiso ya kelello feela, hoba kereke ya Baptise kapa kereke ya Methodise e nthutile *ho-itseng-le-ho-itseng* hona; ha ke utlwa Bibebe ena, haeba Bibebe...Haeba ke ne ke kolobeditswe ka lebitso la “Ntate, Mora, le Moya o Halalelang,” mme ke bala Bibebe ena, mme moreri a mpolella hore ha ho motho ka Bibeleng ya kileng a kolobetswa haese ka Lebitso Jesu Kreste feela, mme ke e bala le ho bona hore hoo e ne e le Nnete, ke ne ke tla itshohlometsa metsing ao ka pele kamoo ke neng nka kgona. E, monghadi.

²⁴³ Haeba motho a mpoleletse hore—hore Jesu Kreste e ne e le mofodisi e moholo; mme kereke ya ka e mpoleletse hore, “Matsatsi a mehlolo a fetile,” mme ke na le tlhoko ya phodiso; ke ne ke tla mathela aletareng eo haholo kamoo nka kgonang, ho fodiswa. Ehlide ke ne ke tla ho etsa.

²⁴⁴ Haeba ke ne ke le moreri, mme ke na le—le moreri wa mosadi sefaleng sa ka, mme ke bala ka Bibeleng le ho bona hore mosadi o na sa lokela ho rera, ke ne ke tla mo suthisa mono, leha taba eo e ne e ka tlosa letlalo mokokotlong wa ka.

²⁴⁵ Mme hopolang, ke ne ke dutse morao hantle moo Kgaitseidi Wright a leng teng, bosiusg bo bong, mosadi eo o na batla ho nkgarameletsa ka ntle ho monyako ka ho etsa ntho kang eo. E,

monghadi. Ka re, “O ke ke wa kena ka kerekeng yaka ka ntho eo ya kgale . . .” Ba ne ba tlwaetse ho apara, kapa ho seha mese ya bona ho ya tlase ka mokgwa ona, le ntho eo e nyedisehang, mme halofo ya mmele ya bona e batla e pepesitswe. Ka re, “Ha ba ka kena ka kerekeng yaka, ruri ke tla ba ntshetsa ka ntle.” Mme e mong wa bana ba leleme le tlailang tlase mono, a shwa ka moraonyana ho mono feela; homme a romela ho nna, a e-shwa. E le ngwanana Mokatholike, a ile a kena mme a dule mono ka ntho eo ka mokgwa oo. Ka sheba ka morao ka mo utswa ka mahlo, a dutse mona, mme ba ne ba bina. Ka hlobola baki yaka, ka ya morao mono, ka e beha mahetleng a hae. Ka re, “Mofumahadi, ha o batla ho mmamela ha ke rera, na o ka apara baki ena o sa le ka kerekeng ya Modimo.” Le a bona? Ehlide.

²⁴⁶ A tswa teng ka mabela, mme a tleberanya melongwana eo. A tswa ka mohahong. A re, “Haeba a na le borapedi, nke ke ka dumella kgomo yaka ho amohela borapedi ba mofuta oo.”

Ka re, “O se tshwenyehe, e ke ke ya bo amohela.”

²⁴⁷ Mme ra ntano hloma tente, ba mpitsa ha na shwa. A futuhelwa ke pelo, mme a eshwa. Monna wa hae a tla. A re, “Tloo kapele!” Mme ke le ka tshebeletsong hantle. Moshanyana e moholo, e molelele, a eme monyako, a nkemetse. Mme ka matha feela ha . . .

²⁴⁸ Ka kena koloing mme ka potlakela teng. Eitse ha ke nyoloha, ka kopana le mooki wa kgale ka ntle mono, ya hahileng tlase Howard Park, le jwale. A re, “Moruti, ha ho hlokahale hore o tle.” Ekaba dilemo tse mashome a mabedi tse fetileng, mohlomong ho feta. Ho re, “O shwele.” Ho re, “E se e ekaba metsotso e meraro a shwele.” Ho re, “O na hweeditse haholo ka moo a ka kgonang, a o bitsa.” Ho re, “Ke na le molaetsa wa hao.”

Ho re, “Ke eng?”

²⁴⁹ Ho re, “Bolella moreri eo, eo ke boletseng taba eo ka yena, ‘A ntshwarele hle.’”

²⁵⁰ Ka theosetsa mono ho mo sheba. Mosadi e motle; mme o na il’ a sotleha hakana. A na le ditlhokanyane nkong ya hae; mosadi e motle. Mme ditlhokanyane, yaka, di ne di tomolohile. Mme mahlo a hae a hotolohilemekoting ka bottlalo, mme a batla a phethohetse morao. Hoba mala a hae le diphiyo di ile tsa lwebhlana, mme phufudi e ne nyoloha hohle moalang, ka mokgwa oo.

²⁵¹ Mme monna wa hae a ntjheba, ho re, “Moena Branham, etsa thapelo, hoba o na batla ho o bona.”

Ka re, “Thapelo bakeng sa hae jwale e ke ke ya thusa letho.”

²⁵² “Sefate se wela, ka moo se sekametseng.” Le a bona? “Le se ke la thetswa; Modimo ha a songwe. Seo motho a se jalang, o tla se kotula.”

²⁵³ Le a e bona moo e teng? Jwale ho etsahetseng? Shebang mosadi ya ka etsang hono. Shebang basadi ba phetseng morao kwana, ngwanana' khwaere, moradi wa hae e ne e le eng? Serabu-rabu. Moradi wa seraburabu ke eng? Mosetsana wa rokon-rolo. Moradi wa hae etlaba eng? Hee! Ke eng?

Le bona peo ya ba lokileng?

²⁵⁴ Shebang lona Mabaptise. Kgutlelang morao ho se hokae. Kgutlelang ho John Smith, mothei wa lona, lona Mabaptise. Mohla, a rapellang bokgopo ba batho, ho fihlela mahlo a hae a ruruha a kwaleha, mme mosadi wa hae a lokela ho mo jesa tafoleng, dijo tsa hae tsa hoseng.

²⁵⁵ Mme lona Methodise hohle mona, mefiri nkong tsa lona le ditsebeng tsa lona, mme eke diquaana tsa diabolosi tse ka mathoko, le ho tswela ntle, ho tennwe marikgwe a makgutshwane, le dintho tse kang tseo! Hodima, John Smith wa kgale, e mong wa baholo ba kereke ya Methodise, pele a eshwa dilemong tse mashome a robedi a metso e mehlano, a rera thero e kgutshwane dilemo tse nne... dihora tse nne. Ba loketse ho mo jara le ho mmea sefalen. Mme ke ana mantswe a hae a qetelo. A re, "Ke harotswe letsalo ke boitshwaro sa kereke ya Methodise." Ho re, "Esita le baradi ba kereke ya Methodise ba rwala masale a gauda menwaneng ya bona." O na ka reng jwale, ka marikgwana a makgutshwane, ho binwa sehlopheng sa mmino?

²⁵⁶ Le mathile hantle. Ho etsahetse eng? Le etsisa mma lona. Ke yona hantle.

²⁵⁷ Ke kahoo re sa batleng letho la phutheho tsena tse hlophilweng ho dikadika nthong ena, kapa ho tshetlehwa mona, "Re Mmethodise." "Re Mabaptise." Re Bakreste feela. E tloheleng e le jwalo, le lokolohe.

²⁵⁸ Jwale, le a e bona peo ya noha? Mosadi ya kang eo o na ka lefella ka eng kajeno? Hoo ho ne ho tla etsang? Ke eng? Ba tswela pele, ho ya tlase. Ba sutumeletsa Baptise morao, ho sutumeletsa Methodise morao, ho sutumeletsa Presbeteriene morao. Ba ne ba tla etsang? Bohle ba kgutlele morao hantle, jwaloka mma bona, seotswa sa kgale. Ke bao moo ba leng teng kaofela, ba etsa bootswa bo tshwanang. "Be, ha e etse phapang ya letho. Ba qwedisitswe. Bafafaditswe. Bao, ba ile ba tla, ho etsa maipolelo. Ba qetile thibelo ya bona ya dikgwedi tse tsheletseng; ha ba ka ba nwa haholo nakong eo, jwalo-jwalo. Ebile ditho tse kgabane. Ba lefa hantle mono..." Oho, banna! Hoo ha ho amane le ditholwana tsa Moya ka letho.

²⁵⁹ Ditholwana tsa Moya ke "tumelo," ho dumela Jesu Kreste yena maobane, kajeno, le kahosafeleng; "lerato" ho baena; "thabo, kgotso, tiisetso, ho loka, mosa, mamello, bonolo, boitshwaro." Ke tsona dintho, ditholwana tsa Moya.

²⁶⁰ Mme re ka nka monna, “Tjhe e, o—o phela bophelo bo kgabane tikolohong.” Le Esau o na etsa jwalo.

²⁶¹ Esau ha a ka ntsha motho kotsi, mme Esau e ne e le wa diabolosi; empa Jakobo, ho tswa popelong e le nngwe, e le wa Modimo. Peo ya diabolosi; Peo ya mosadi, Peo ya Modimo ya nna ya tswella.

²⁶² Jwale, le a bona, ho fihletse mona, ho saletseng lefatsheng kajeno ke eng? Ke tla bolela taba ena ka thata ruri, ho kgokgothela sena, mme re ntano qala tsoselsetso ka mora mona, kopanong e latelang. Mme ho fihletse seemong. Mme, ka kopo hle, ha ke bolele taba ena ho nyefola borapedi. Ha ke bolele sena ho kgohlalahala. Ho fihletse boemo boo, nthong e kgolo, sekgakgatha se tletseng borapedi sa bana ba seng molaong, ba bonyatsi. Tlhahiso yaka ya ho qetela ke eo. Ke hona hantle feela moo e fihlileng teng. Le a tseba hoo ke nnete. Ho fihletse boemo ho fihlela e le ngodisa-kerekeng le ditho-tsa-kereke, “Ba nang le sebopoho sa borapedi, latolang Matla a jona,” ho fihlela e le sehlopha sa bana ba tletseng borapedi, ba bonyatsi. Ke hantle feela seo e leng sona.

²⁶³ Ntho e saletseng e latelang ke eng? Ho na le setuhaki sa rokete se lopaletseng kwana, tse mmalwa tsa tsona, dibomo tsa khobalte le ntho e nngwe le e nngwe e sele. Di emetse feela hore matla ao a fihle. Mme ho tla ba le tshenyeho ka mollo, jwaloka ha e hlahile ka metsi.

²⁶⁴ Mme, metswalla, ekaba eng kapa eng eo le e tsang, ha o le Mokreste mme o e na le Modimo pelong ya hao, mme o tseba hore o tlohile lefung ho kena Bophelong, o loketse ho ba motho ya thabileng ka ho fetisisa lefatsheng. Ha Moya o Halalelang ka ho wena . . .

²⁶⁵ Ha, Bibele e re, “Jesu Kreste esale yena maobane, kajeno, le kahosafeleng.”

²⁶⁶ Diphutheho tse hlophilweng di re, “Empa re dumela hore mehlolo e fetile.”

²⁶⁷ Moya o Halalelang o re, “Amen. Jesu Kreste esale yena maobane, le kahosafeleng. A ho be jwalo.”

²⁶⁸ Haeba Bibele e boletse, “Bakang, mme le kolobetswe e mong le e mong wa lona ka Lebitso la Jesu Kreste tshwarelong ya dibe tsa lona, le tla amohela Moya o Halalelang. Hoba pallo ena e etseditswe lona, le bana ba lona, ho ya ho Baditjhaba, le ba leng hole kaofela ha bona, bao Morena Modimo wa rona—bao Morena Modimo wa rona a tla ba bitsa!” Le a bona? (E seng, “e seng bao Mamethodise, le Mabaptise a ba bitsang.”) Empa, “Bao Morena Modimo wa rona a tla ba bitsa, ba tla amohela Moya o Halalelang, le ho kolobetswa ka Lebitso la Jesu Kreste.” Ke seo Bibele e se boletseng.

Ha ntho eo e o tjhabela, o re, “Amen.”

Kereke e itse, “Oho, ha e etse phapang ya letho.”

²⁶⁹ Empa Moya ona o Halalelang ka ho wena, o re, “amen” Lentsweng la Hae. “Motho a ke ke a phela ka bohobe feela, empa Lentswe le tswang molomong wa Modimo.” Ke moo he.

²⁷⁰ Ke batla le mpontshe Lengolo le le leng moo e kileng ya bolela hore apole e qadile ho tswellisa ntho ena jwale. Ke batla le mpontshe hore ba jele diapole. Ke le bontshitse moo Kaine a ileng a hopola ntho yona eo, le moo peo ya hae e sa ntseng e nahana ntho yona eo.

²⁷¹ Empa tshenolo ya semoya ya Modimo e paka, ka Bibele, hore e ne e le kopano ya botho bakeng tsa monna le mosadi, e sa dumellwang ke molao. Ke hona moo difonthwane tsa lona di tswang teng. Ke hona moo sebe sa lona se tswang teng. Ke hona moo e theohetseng teng.

²⁷² Jwale hlokamelang tabeng ena—ena yohle, shebang, e—e noha e ne e le masene makgetlo a mabedi. Haesale peo ya hae e le masene makgetlo a mabedi. Mme ke batla ho hlwella sefaleng sena le ho tjhwabola maeke wona letsohong laka, [Moena Branham o tsamaisa maeke—Mong.], le ho hloma maoto a ka sefaleng sena, mme ke bolele taba ena. Mme, kajeno, bokgwalebohlajana ba lona ba baholo ba ho kae? Moruti wa lona ya ileng a theoha mme a thola hlalefo e kgolo, mme o a ema; ke moruti wa dikereke tse kgolo ka ho fetisisa tse leng teng naheng, le jwalo ka tsela eo. Peo ya noha e eme ho kae? Dibakeng tse ntle tsa bohlalefi tse kang tseo; masene, baithuti ba hlaketweng. Ke hona moo a leng teng. Ke hona moo a dutseng teng.

²⁷³ “Ha se ka matla, ha se ka tjheseho, empa ke ka Moya wa Ka, ho bolela Morena.” Le a bona? Ke hona moo le . . .

²⁷⁴ Ebe o nka moenanyana ya emeng sekgutlong, a tsholla mahlo a hae a lla, mme mohlomong a eme mono a tlhoronya thomo ya kgale, ho re, “Moena, tloo, amohela Morena!” [Moena Branham o kokota sefaleng hang—Mong.]

²⁷⁵ Moruti o a feta, ho re, “Huh! Nke ke ka dumella phutheho yaka . . . Kgele, nke ke ka ikamahanya, yaka nke ke ka e dumella . . . nke ke ka dumella Liddy le Johnny le bao ho mpona haufi le tulo e kang eo.” Tswela pele, peo ya diabolosi, o habile pheletso ya hao esaFeleng, le hona. Ke hantle. Nka be ke buile lentswe le leng mono, le ho re, “bana ba bonyatsi,” mme ke hona moo e batlang e le hona teng. Hoba, le a bona, le . . .

²⁷⁶ “Ha ho ya ka tlang ho Nna ha a sa hulwe ke Ntate wa Ka. Mme bohole ba tlang ho Nna, Ke tla ba tsosa tsatsing la bofelo. Ha ho letho le tla lahleha. Ke le tshwere. Ke a le boloka. Ha ho motho ya ka ho etsang, haese Hona.”

²⁷⁷ Tsohle di dutse ho Yena. O ke ke wa re, “Ke entse ntho e le nngwe.” Ke mohau wa Modimo o e phethileng yohle. Ka hona, ha ho letho leo ke le entseng. Ha ho letho leo ke neng ke loketse ho le etsa; letho le wena, hape. Ha ho letho leo o le fumaneng ka ho sebetsa. Modimo o sebeditse ntho e nngwe le e nngwe ya hona. Le monwana ha o a o sisinya bakeng sa kabelo ya yona. Ha o a ka wa re, “Tjhe, ke tswa lesikeng le lokileng. Ke entse sena.” Taba eo ha ho moo e amanang teng hang le yona. Modimo ke Yena ya e sebeditseng; mohau wa Modimo.

²⁷⁸ Ke maswabi jwale, ha e-so be hora ya leshome le motso o le mong, empa ke tla kwala, leha ho le jwalo. Le a bona?

²⁷⁹ Ke ba bakae ba utlwisisang hore Bibebe e bolela hore dintho tsena ke Nnete; lona batho ba Tabernakele ya Branham, haholo-holo? [Phutheho e arabetse, “Amen.”—Mong.] Jwale, ke karolo e le nngwe hodima tse leshome le metso e tsheletseng ya tseo re di rutang le ho di dumela. Empa, hopolang, ho lona batho ba emeng ka thoko, nka bolela taba ena, lona batho ba sa keneng mona jwaloka ditho. Kamoo re e dumelang, *Ena* ke Bibebe, mme Bibebe ke Nnete ya Modimo.

²⁸⁰ Mme re a dumela, hore, ka Testamenteng ya Kgale, jwale, ba ne ba na le mokgwa wa ho tseba seo e neng e le nnete kapa seo e neng e se nnete.

²⁸¹ Jwale, re a tseba bohole hore ba ne ba e na le molao o ngodilweng. Ke ba bakae ba tsebang hono? Molao, e—e ditaelo di ne di le ka hara areka, le jwalo-jwalo; ke hantle, le ditaelo molaong. Ho re, “O se ke wa feba. E mong le e mong ya febang o tla tlepetswa.” Le a bona? Oo e ne e—e le molao, mme le ditaelo molaong. Jwale, areka e ne e dutse ka mokgwa *wona*; melao e le ka hare ka mono, mme ditaelo tsa molao di ne di le ka mekotlaneng e lephakong la areka. Ha motho a tla mona, a febile; ho nntshuwa mme ho fumanwa se bolelwang ke molao, “mo tlepetseng.” Ba mo ntshetse ka ntle le ho mo tlepetsa. Ke seo taelo e neng e le sona molaong.

²⁸² Jwale ba ne ba na le tsela tse pedi hape tsa ho tseba. Kamehla ho na le dintho tse tharo, jwalo ka tiiso. Ba ne ba na le tsela e nngwe ya ho tseba, mme e le ka moporofeta kapa molori. Ke ba bakae ba tsebang hoo? “Ha ho e na le e mong hara lona e leng motho wa moyo, kapa moporofeta, Nna Morena ke tla Itsebisa yena ka ditoro, le ho bua le yena ka dipono.” Ke hantle. Jwale, e le moporofeti.

²⁸³ Jwale, ha motho a fihla, ho re, “Oh, hallelua, ke e fumane! Ke porofeta jwale ka Lebitso la Morena. Ke fumane tshenolo.” Ba ne ba sa e tlohele ho feta feela, jwaloka ha lona batho ting le etsa. Ba e hlahloba ka Modimo, pele.

²⁸⁴ Jwale, seaparong sa sefuba sa Arone ba e na le seo ba se bitsang Urime le Thammime. Ke ba bakae ba kileng ba utlwela ka lentswe leo? E ne e le eng? E ne e le majwe a leshome le

metso e mebedi, a tsheletseng lehlakoreng ka leng, a bapatriareka ba leshome le metso e mebedi; jaspere, Juda, le ho ya jwalo, majwe a leshome le metso e mebedi. Mme ebe ba nka moporofeta enwa, kapa molori, mme ba fanyehe seaparo sena sa sefuba, mme ba mo emise mono. Mme ba re, “Jwale porofeta o bolele seporofeto sa hao.”

“Morena o buile le nna le ho bolela dintho tse itseng-le-tseng.”²⁸⁵

²⁸⁵ Ha ho tsotelle kamoo e neng e bonahala e tiile, e ka utlwahala e le mnene e phethahetseng; empa ha masedi ao a na sa kopane mme a etse mmala wa mookodi mono, Urime le Thammime, masedi ao a teana hammoho, tshebetso e mohlolo, ho thasiselletsa. Le a bona, Modimo haesale a tiisa Lentswe la Hae kamehla. Le a bona? Mme ha lesedi leo le mohlolo le ne le sa hadime mono, jwale he ha ke tsotelle hore e ne e shebahala e tiile hakakang, e ne e fosahetse.

²⁸⁶ Ha molori a re, “Ke lorile toro, mme toro ena e boletse, hore, ‘Iseraele e tla lokela ho sutha mme e ye sebakeng se itseng, hoba Basiria ba tla hlaha ka nqeng *ena* ho e thibella.’” Ba ne ba isa molori eo tlase mono; a bolele toro ya hae. Ha masedi ao a na sa tshwedime mono, o na le bohata, ho sa tsotelle kamoo... Le haeba Basiria ba ne ba se laotswe ba dutse ntweng kwana, o na le bohata. Tjhe, monghadi. Bao, ruri, taba eo e ne e loketse ho thasiselletswa ka Urime le Thammime.

²⁸⁷ Jwale motho e mong le e mong o a tseba hore boprista ba boholoholo bo fedisitswe, bo tlositswe, mme Urime le Thammime e tsamaile le bona. Re tseba taba eo, na ha ho jwalo? [Phutheho e re, “Amen.”—Mong.]

²⁸⁸ Mme boprista bo botjha bo ne bo kena. Ke eng? Na re na le Urime le Thammime kajeno? E, monghadi. Lentswe la Modimo! E, monghadi. Ke yona *Ena*. [Moena Branham o supa Bibele ya hae—Mongodi.] Haeba motho a tshwere tshenolo ya mofuta ofe kapa ofe, kapa a bolela taba efe, leha e le thuto efe feela e sa late leng le tsitl-... mme e sa tsitlallele Bibele ena, Lengolo lohle ka tsela eo, o fosahetse. Ha ke tsotelle hore o phuthehong efe e hlophilweng, o lokile ha kakang, o sedi ha kae, o rutehile ha kakang; o fosahetse.

²⁸⁹ Mme ha motho ofe kapa ofe a o bolella dintho tsena, tseo re di rutileng ka kerekeng mona jwale, le ho le bolella, hore, “Ha o fafaditswe, ho itoketse,” o boletse leshano. Hoo ho ke ke ha hadima ho Urime Thammime. Ha a o bolella, hore, “Ho horometsa ho itoketse,” o boletse leshano. A o bolella, “Ho kolobetswa ka lebitso, la ‘Ntate, Mora, Moya o Halalelang,’ ho itoketse,” o boletse leshano. Ha a o bolella, “Matsatsi a mehlolo a fetile,” o boleletse leshano. Ha o bolella, “Ho itoketse ho basadi ho rera,” o boletse leshano. Ha o bolella, “Ho itoketse ho wena ho tswela pele mme o tiisetse

phuthehong ya hao e hlophilweng,” o boletse leshano. E ke ke ya hadima ho Urime Thammime. Esita le ditosene tseo tsa dintho tse hlahellang, mono ho “MMA DIOTSWA,” wa kgale mme tsa kena mono, mme ke ka baka leo re tsamaelang hole le phutheho e hlophilweng.

²⁹⁰ Re rata baena ba rona le dikgaitsetsi ka ntle ka hara phutheho tseo tse hlophilweng. Empa o ke se tsamaye, mme wa re, “Ke Methodise,” mme wa fetoha Mokreste, ho nna. O Mokreste ka hobane o tswetswe ke Moya wa Modimo. Ha o a tshwanela ho ba Methodise kapa Baptise. Ha o a tshwanela ho fetoha e nngwe ya tsona. O loketse feela ho tswalwa ke Moya wa Modimo. Na le a e dumela? [Phutheho e re, “Amen.”—Mong.]

²⁹¹ Hodima motheo wona, ha motho mona a rata ho sebetsa mmoho le ho rata ho kena kopanong ya borapedi bona, mme a batla ho—batla ho inwa tlasa metsi, ho kolobetswa ka Lebitso la Jesu Kreste, letsha ke lena. Ba tla kolobetsa, motsotsong feela.

²⁹² Haeba ho e na le ba bang, ba bangata mona, motho ya batlang ho tla, ka mokgwa ofe feela? Re teng mona. Ke hantle.

²⁹³ Jwale, re—re ha re na lengolo la letho la botho; le mpa le tla mona feela ho rapela. Re dumela hore Kreste o ka hara kereke ya Methodise, kereke ya Baptise, kereke ya Presbeteriene. O na le ditho ka ho e nngwe le e nngwe ya tsona. Mme se haellang, kajeno; ke boporofeta ba leshano bo hlahisang dintho tseo, dithuto tsa dikereke tseo, e leng taba e kgahlano le Bibebe ka ho phethahala.

²⁹⁴ Jwale, haeba motho a ne a ka ntlhakisetsa Hono, ruri ke ne ke tla itlhophha... Ke dumela hore ho na le Moya o lekaneng wa Modimo ka ho nna, ho hlahlobisa Bibebe le ho tla e lokisa. Haeba ke ne ke e ya feela ho tsukutla matsoho le moreri, le ho ngodisa lebitso la ka bukeng, mme leha ho le jwalo ke ntse ke na le lehloyo le lonya ka pelong yaka, mme ke sa ntse ke na le mohono le dikgang, mme le jwale ke sa dumele Jesu Kreste ke mofodisi e moholo, le jwalo ka mokgwa oo, ke ne ke tla ya otlollwa kgahlano le Modimo, ka potlako. Ruri ke dumela ke ne ke tla ho etsa. Ke—ke ne ke tla tshephahala hakaalo ka yona. Ke ne ke tla ya ho e lokisa le Modimo. Haeba ke ne ke tiiseditse feela hoba ke ne ke le Baptise kapa Methodise, ke ne ke tla theoha mme ke kenyé Bokreste ka pelong yaka. Ke ne ke tla etsa taba eo. E, monghadi.

²⁹⁵ Jwale hopolang tsoseletso e tlang, e tla qala, ha Morena a rata, bosiung bona ba Laboraro bo tlang. E hodima metheo ena.

²⁹⁶ Mamlang, metswalle, ho na le Modimo wa nnete ya phelang. Ke hantle. Jesu Kreste ke Mora Modimo. Moya o Halalelang o ka hara Kereke kajeno.

²⁹⁷ Jwale, ha ne nka fumana motho ya mpolellang hono, ke ne ke tla ba le tokelo ya ho e belaela. Empa, mamelang. Ka tsatsi le leng kwana, ha ke sa le moshanyana e monyenyan, ke ne ke eme tlasa sefate, mme ka Mmona. Ka Mo utlwa. A mpolella, hore, “Ikarole ho basadi bao ba manyala. Ikarole disakreteng. Ikarole ho rohakaneng, ho nweng, le dinthong tsena tsohle. Ke na le mosebetsi oo o loketseng ho o etsa ha o hola.” Ke a tseba Ke Modimo wa nnete, o phelang o ikamahanyang le Lentswe la Hae.

²⁹⁸ Yare ha ke hola-hola, kamoo A ileng a kopana le nna, kamoo A buileng le nna! Kamoo ke Mmoneng mono, jwaloka sehlahleng se tukang, mme Mollo oo o lwebehlana mono! Kamoo ke Mmoneng a bua le ho bolela hantle feela se tla etsahala; mme, nako le nako, ho e nepa ka ho phethahala kamoo ho ka kgonehang, ka ho phethahala ka mokgwa oo.

²⁹⁹ Yena Eo ya bolelang dintho tseo tse phethahetseng ka tsela eo, ke Yena Ya ntshusumetsang ho ruta Bibele ena kamoo ke E rutang. Ke hantle. Ka baka leo, E tswa ho Modimo. Ho nna, ke Modimo o Matlaohle, mme esale Yena maobane, kajeno, le ka ho sa feleng.

³⁰⁰ Jesu a re, “Ke tswa ho Ntate, mme Ke ya ho Ntate.” Ha A ne a e tla...

³⁰¹ Nakong eo E neng e le Modimo lehwatateng, E ne e le Lesedi le tukang. Mme ke ba bakae ba tsebang hono? [Phuthetho, “Amen.”—Mong.] E ne e le Lesedi le tukang, Topallo ya Mollo.

³⁰² Mme A tla lefatsheng mona, mme A re, “Ke tswa ho Ntate, mme Ke ya...Ke tswa ho Modimo, mme Ke kgutlela ho Modimo.”

³⁰³ Ha A ne a eshwa, ho epelwa, ho tsoha hape, mme Paulose tseleng ya hae ho ya Damamseka a kopana le Yena hape, E ne e le eng? [Motho e mong o re, “Topallo ya Mollo.”—Mong.] Esale Topallo ya Mollo. E, monghadi.

³⁰⁴ O ile A etsang ha A ne a le mona lefatsheng? A etsang ha A ne a kopana le Paulose? O ile a mo roma jwang? A mo romela ho moporofeta ya mmoleletseng hore a kolobetswe jwang, ho mmolella hore a etseng; a mmea matsoho a hae hodimo le ho mo fodisa, ho mmolella hore o bone pono.

³⁰⁵ Yena Jesu eo o mona kajeno, ho etsa dintho tse tshwanang, mme esale Topallo eo ya Mollo, ho ruta ntho e le nngwe, le ho e tiisa ka Lentswe la Hae, le ka mehlolo le meeka. Ke thabile haholo ha ke le Mokreste, ha ke tsebe hore ke etseng. Ke thabetse ha le le Bakreste.

³⁰⁶ Mme lona, ba tabernakele e mona, ke le boleletse re tla fetola lebitso la hona. Ha se hantle hore e be Tabernakele ya Branham. Eo e mpa e le motho, le a bona. Re tla fetola lebitso

la yona, ho e rea lebitso le itseng le leng. Re tla kena moo, ka morao ho nakwana. Ke batla e be e—e kereke ya Modimo o phelang. Ha ke e batle e le Methodise, Baptise, Presbeteriene, Pentekosta. Ke...

³⁰⁷ Batho bao bohle, ke ba rata ka pelo yohle yaka. Ha ke tsebe hore mang ke mang. Nke se kgone ho le bolella. Ke loketse feela ho rera Lentswe. Ke akgela letlawa mme ke a le hula. Ho na le dihoho, mme hona le diokgo tsa metsing, mme ho na le dinoha, mme ho na le tlhapi tse mmalwa, hape. Ho ho Modimo ho etsa qeto ka yona. Ke mpa ke hula letlawa, ho rera Lentswe le ho le hula, le ho re, “Ke bana, Morena, ho potoloha aletare. O tseba ba Hao ka sebele; O ba tsebile haesale le ho tloha qalong ya lefatshe. Ha ke tsebe hore mang ke mang. Wena O a tseba, ka baka leo ho ho Wena, Morena. Ke taba e fetisang eo nka e etsang. Ke sa tla nyolohela mono le ho sesefa sebakeng se seng hape jwale, le ho kenya sehlopha se seng ka hare. Ke phetho seo nka se etsang.” Ho lokile.

Oho, ke ikutlwa ho tswela pele,
Ke ikutlwa ho tswela pele;
'Hae laka la Lehodimo le a benya le letle,
Mme ke ikutlwa ho tswela pele.

³⁰⁸ Jwale hopolang, mang le mang ya batlang matsatsi a tlhekelo, letsetsang Mong. Mercier feela mona, kapa BUTler 2-1519. Re tla thabela ho le bona. Haeba baratuwa ba lona ba kena, ba loketse ho potlaka ho tsamaya kgabareng ya tsoseletso... Jwale ke tla tsamaya, ho qala bosius bona, ho kena boinotshing baka, mme ke tla ba siyo matsatsi a mabedi jwale, boinotshing ba ka.

³⁰⁹ Ke kena ka mono feela mme ke bale, ka mokgwa wona, “Morena, O haufi le nna. Ke a tseba O teng mona. Mme Lentswe la Hao le boletse hore O atamela bao ba O atamelang.” Ha ke phetse ho rapela le ho lebella ho fihlela ke bona Topallo eo ya Mollo e qalella ho tsamaya. Ke a tseba e itokisitse he. Ebe ke tsamaela kalaneng bakeng sa tshebeletso ya phodiso, ho rapela, le ho etsa seo nka se kgonang ho thusa bakudi le ba hlokofetseng.

³¹⁰ Re ananela mosa wa lona wohle jwale. Mme ha le etla, tlong le dumela, mme re lebeletse ho ba le kopano e kgolo. Ke batla ho bolela ho re...

³¹¹ Moena Jeffries, o teng mo bosius boo? Re rata ho ananela Moena Jeffries le mosebetsi wa hae. Ke a kgolwa o kgutletse morao dihlekehlekeng, jwalo-jwalo.

³¹² Ke thabo ho bona Moena le Kgaitsemi Wright, le bongata ba lona batho ting.

³¹³ Ke bone leqwetha Robertson mona, nakwaneng ya ho feta, o sa tswa kena nakwaneng ya ho feta. Ke batla ho mo thooletsa hodima wa hae—hodima molaetsa wa hae a bileng le wona

tsatsi le leng. Ha ho motho ya boletseng hore e ne e le mang; ke ne ke swabile. A fumana molaetsa o motle wa boporofeta, ho kang hoo ke rerileng ka hona bosius bona.

³¹⁴ Mme, ka hona, hape ho bile le moreri e mong mona hoseng hona, kapa bosius ba ho qetela, Moena Smith, ho tswa kerekeng ya Methodise...kapa ho tswa kerekeng ya Modimo, hodimo mona. Ha ke tsebe hore na o teng mona bosius bona, kapa tjhe. Ha le ka ema mona sefaleng sena mme le shebe morao kwana nqeng yane, ho batla ho le thata ho bolela; ho bataletse, le a bona, mme o ke ke wa bolela. Ha o le teng mona, Moena Smith, re a o ananela.

³¹⁵ Mme na enwa, ya dutseng mona, ha se moenanyana ya tswang Georgia, hantle morao mona ya dutseng pela Moena Collins? [Moena Neville o re, “E.”—Mong.] Ke thabo ho o bona hodimo kwano bosius bona, moena.

³¹⁶ Mme ba bang bohole ba lona, kaofela ha lona, e mong le e mong o a tseba hore o mang.

³¹⁷ Ke kgolwa ha enwa e le kgaitseki le moena ba neng ba rapella ngwananyana nakong eo, hantle mona, ngaka e dutseng mona ka lehlakoreng. Morena ao hlohonolofatse, ngaka.

³¹⁸ Jwale, ka kopo hle le se utlwe le kgopisitswe ke nna, lona bareri le baena, ka baka la mokgwa oo ke otlellang taba ena ka ho fina seledu ka moo nka kgonang. Ena ke tabernakele ya rona. Ke seo re se emelang, mme re batla ho e tshetleha Lentsweng leo hantle, le ho ba sisinya ka Lona. Jwale ebe, ha le ka tswa tseleng le ka mohla, re tla kgutla hape mme re re, “Le tsebile haholwanyane. Ke Ena e lebanteng.” Le a bona? Ke moo he. “Ke Ena e teiping.”

³¹⁹ Re na le tse ngata tse loketseng ho feta, ha ho le jwalo he, Leo. Empa, empa re...Le na le ho ho kaalo. Le dule le Lona hantle, mme re tla fihlela karolo ya Lona e setseng ka morao ho nakwana. Jwaloka monna e mong ya neng a le teng, a ja lehapu, ho re, “Le ne le monate, empa ho sa na le ho setseng.” Ka baka leo re na le ho saletseng ha Lona, le jwale, ho tlango.

³²⁰ Morena a le hlohonolofatse, haholo ruri jwale. Re sa...Re tla tshwarana le tshebeleto ya kolobetsa hantle hona jwale. Na ho lokile, Moena Neville? [Moena Neville o re, “Eya, ke kgolwa jwalo.”—Mong.] Na ho na le motho ya batlang ho kolobetswa hantle hona jwale? Ha re tsotelle na o mang; re a—re mona ho kolobetsa. Phahamisang matsoho a lona, bao ba neng ba tla kolobetswa. Motho e mong, ke a kgolwa e ne e le yena...Mofumahadi ke enwa mona. Mme na ho n'o na le motho e mong hape? Jwale, re na le diaparo mona bakeng sa banna le basadi mmoho.

³²¹ Jwale, ha re re, “Tswa kerekeng ya Baptise. Tswa kerekeng ya Methodise.” Ha re bolele. Kgutla kerekeng ya hao hantle.

Empa ha o eso kolobetswe ho latela Lengolo, ka Lebitso la Morena Jesu... E seng ka Lebitso la "Jesu" feela, jwale. Ka Lebitso la "Morena Jesu Kreste," leo ke Lengolo. O kolobeditswe ka phoso.

³²² Ha ke batle bothata ba letho ha ke fihla nokeng. Ke batla ntho e nngwe le e nngwe e hlakile kamoo ke tsebang kateng, nakong eo ke tshwereng setlankana seo, o a bona, hoba ke batla ho hlwella mohlang oo. Ke o eletsa ho etsa ntho e tshwanang.

³²³ Kgutlela kerekeng ya hao. Ke taba e, pakeng tsa hao le Modimo. Ke phetho seo nka o bolellang sona.

³²⁴ Empa ha ho motho Lengolong ya kileng a kolobetswa ka tsela e nngwe e sele haese Lebitso la "Morena Jesu Kreste." Mme bao ba neng ba kolobeditswe, ba laelwa ke Mohalaledi Paulose, ya itseng, "Ha Lengeloi le ka bolela ntho e nngwe e sele, le neelwe anathema." Ho ba laela ho tla le ho kolobetswa, hape, ka Lebitso la "Morena Jesu Kreste." Ke hantle. Mme a e etsa. Mme seo a se entseng, o re romile ho se etsa; mme ke seo re tla se etsa, ha Modimo a rata.

Re dumela hlatsuong ya maoto. Re dumela selallong.

³²⁵ Re dumela ho Tleng la Bobedi ha Kreste, tse bonwang, mmele wa Morena ka namana; e seng Moya, empa mmele wa Morena Jesu ka namana o tlang hape ka kganya.

³²⁶ Re dumela tsohong ya bafu ka mmele, ho amohela mmele, e seng ya kgale le e ponneng jwaloka ha re kena lebitleng; empa o motjha, hlonolofatsong ya botjha, ho phela kamehla.

³²⁷ Re dumela moyeng o sa shweng, amaruri. Re dumela hore ho na le mofuta o le mong feela wa Bophelo bosaFeleng, mme Bophelo boo o bo fumana ho Kreste Jesu. Ke hantle haholo.

³²⁸ Ha ho le jwalo, ha re dumele kahlolong esaFeleng. Re dumela diheleng tsa mollo, sebabole se tukang, empa ha re dumele o tuka kahosafeleng; haeba o kgona jwale, o na le Bophelo bosaFeleng. Ho na le Bophelo bo le bong feela bosaFeleng; Bo tswa ho Modimo. Ke hantle. O tla tjheswa, mohlomong millione wa dilemo, dilemo tse dimillione tse leshome, ha ke tsebe, empa o ke ke wa ba le Bophelo bosaFeleng. O ke ke wa tjha ka kamehla... O ka tjha ka kamehla, empa e seng kahosafeleng. Le a bona, ho na le phapang pakeng tsa Bosafeleng le kamehla. *Kamehla* ["forever"—Mofetoledi.] ke kamehla le mehla, lekopanyi, ho bolelang "nako e badilweng." Empa, kahosafeleng, ha o na kahlolo ya kahosafeleng.

³²⁹ O na le Bophelo bosaFeleng, kahobane ho na le mofuta o le mong feela wa Bophelo bosaFeleng. Mme ya nang le Bophelo bosaFeleng, o a phela mme o hlohonolofaditswe ke Modimo kamehla.

³³⁰ “Empa moyo o etsang sebe, moyo oo o tla...” Eng? [Phutheho e arabela, “...shwa.”—Mong.] Ke hantle. Jwale, etlaba ha o na Bophelo bosaFeleng. Ruri. O na le—o na le kahlolo ya ona, empa e seng Bophelo bosaFeleng.

³³¹ Ka baka leo, o a bona, ho na le dintho tse ngata tse sa ntseng di loketse ho rutwa, re tla fihla hamorao. Morena a le hlohonolofatse.

³³² Jwale a re bineng thoko ena ya kgale e kgolo e monate, kgaitsemi ya rona e sa kena ka mane. Ke dumela mofumahadi enwa mona a ka...

³³³ Rosella, na eo ke mmao? [Kgaitsemi Rosella Griffith o re, “E.”—Mong.] Kgele, ho hlohonolofatswe pelo ya hao! Ke thabo ho o bona, kgaitsemi, o etsa hono. Ke hantle haholo.

³³⁴ Rosella Griffith, e mong wa metswalle e kgabane re bileng le yona. Ke mosetsana eo e neng e le lekgoba la tahi; ho ba bang ba lona batho ba teng mona, e ka bang baeti. Rosella ha o ntsotelle ho ka bolela taba eo. Ha a ne a e tla kalaneng hodimo mono—mono moo... hodimo mona Indiana. Haeba le kile la bona motho ya soto, e le e mong wa bona, lekgoba la tahi le mahlo a pelekanetseng ntile. Moo, dingaka tse nne tsa Chicago di boletseng hore ke... Letahwa Mohlokabitso, le ntho e nngwe le e nngwe e sele, a teetswe. Empa bosiusing bo bong ha a ne a kena ka tshebeletsong, Moya o Halalelang wa phenyekolla bophelo ba hae le ho mmolella hantle mono. Hoo ha qeta tsohle.

³³⁵ Mo shebeng jwale, ke a kgolwa, o dilemo tse ka bang mashome a mararo le ho hong, o ne a tla tshwara leshome le metso robedi; mosetsana ya motle, ya kgabane. Ha e-so latswe wiski ho tloha haesale; ha ho sa na le takatso ya yona. O phelela Kreste, o kena diterateng ho potoloha, hohle, a paka thorisong ya Modimo, ho baetsadibe le makgoba a tahi, hohle diphatjhiseng, le nthong e nngwe le e nngwe e sele, hara Chicago, ho etsetsa Morena ho hong.

³³⁶ O ile a kolobetswa ka Lebitso la Morena Jesu, mme mmae o a tla bosiusing bona ho etsa yona ntho eo; haeba Modimo a ne a ka mo phekola, Jesu a ne a ka mo phekola... “Tsohle tseo le di etsang ka ho bua le ka ho sebetsa, le di etse ka Lebitso la...” [Phutheho e arabela, “...Jesu Kreste.”] Ke seo Bibele e se boletseng. Ke hantle.

³³⁷ Ho lokile, jwale re tla ba le tshebeletso ya kolobetso. Re tla tima mabone metsotsi e mmalwa ha re sa lokisetla tshebeletso, ho kolobetswa, mme—mme re tla lebella nako e kgolo ho Morena.

³³⁸ Na le tla ba le tshebeletso ya kolobetso bosiusing boo? Ke hantle, le mpe—le mpe le hle le lokise. Mme ke tla qalella, ke tla etella dipina pele le dintho ha re ntse re tswela pele nakong

eo. Ha ba sa ntse ba ets-... [Moena Neville o re, "Ho na le diaparo tse itseng morao mono, Doc?"—Mong.] Diaparo tsa ho kolobetsa, Doc, ka potlako ruri. Ke hantle.

³³⁹ A re bineng feela e nngwe ya dithoko tsena tsa kgale... [Moena Branham o etella mmino wa phutheho pele, nakong eo Moena Neville a kolobetsang kgaitsemi—Mong]

³⁴⁰ [Sekgeo lebanteng—Mong.] Mme ho fihlela re etsa hoo, re sa ntse re tsamaya, re tshwanetse ho etsang?

Inkele 'Bitso la Jesu,
Ba wa ba inama maotong a Hae,
Kgosi'a dikgosi Lehodimong, re tla Mo tlotla,
Ha eto la rona le fedile.

Ke hantle, a re emeng ka maoto a rona!

Inkele 'Bitso la Jesu,
Ngwana maswabi le tlokotsi;
Le tla o thabisa le o tshedise...

³⁴¹ Ke tla le bolella hore re etseng. Reteleha mme o tsukutlane le motho e mong ka matsoho mono, le ho re, "O kae, moena? Ke thabetse jwang ho tlamahana le wena."

'Bitso le ratehang, oho le monate hakakang!
Tshepo ya lefatsho le thabo ya Lehodimo;
'Bitso le ratehang, 'Bitso le ratehang, oho...



Peo Ya Noha, Vol. 5 No. 2
(*The Serpent's Seed*, Vol. 2 No. 4R)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Sontaha mantsiboya, Lwetse 28, 1958, Tabernakeleng ya Branham, Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 1997 ke ba ha:

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org